



Տավուշի մարզում 23 տարի առաջ՝ 2002-2003 ուսումնական տարում, հանրակրթական դպրոցներում 21 հազար 896 աշակերտ էր սովորում: Անցած 23 տարում մարզի հանրակրթական դպրոցների աշակերտների թիվը նվազել է 6 հազար 428-ով: Դպրոցների աշակերտների թվի նվազման հետեւանքով նվազել է նաեւ դպրոցների շրջանավարտների թիվը:

Կարդացե՛ք էջ 4



Ո՞վ էս դու, որ որոշես՝ մենք պետք է հրաժարվենք պայթարելուց: Այսօր տնօրեն ես, վաղը տնօրեն չես: Խնդիրն այն չէ, որ այսօր ունենք անհաջող իշխանություն, խնդիրն այն է, որ մենք մեր իշխանությունը չունենք: Խնդիրն այն է, որ չարժեքը հարձակվել է արժեքների վրա: Չարժեքն ուզում է մեր բոլոր արժեքները ոչնչացնել:

Կարդացե՛ք էջ 7



Բիզնեսմեններն էլ են, ախր, հետաքրքիր մարդիկ: Փոխանակ իրենք հրավիրեն եւ Ձախորդ Փանոսին, հանդիմանելիս վերջին 8 տարիներին հայկական բիզնեսի գլխին բերած չարիքների համար, մի բան էլ իրենք էին վազել՝ հանդիպելու նրա հետ, նախաճաշելու: Ինչքան իրար հակասող (ներմուծող-արտահանող) բիզնեսմեն կար, այնտեղ էր:

Կարդացե՛ք էջ 8

Hraparak daily newspaper
4/41 Mashtoc St.
0010 Yerevan, RA
tel.52 66 70
info@hraparak.am

ՕՐԱԹԵՐԹ, 200 դրամ

N 61 (4196), 15 ապրիլ, չորեքշաբթի, 2026



www.hraparak.am

Իրադարձակ

Մինչեւ 2026 թվականը կառուցել, հիմնանորոգել եւ վերանորոգել առնվազն 300 հանրակրթական ուսումնական հաստատություն, դրանք ապահովել անհրաժեշտ գույքով եւ սարքավորումներով. Նիկոլ Փաշինյանի գլխավորած կառավարությունը նման խոստում էր տալիս, որն ամրագրված է կառավարության 2021-2026 թթ. գործունեության միջոցառումների ծրագրում: Իշխանականները, հատկապես հունիսյան ընտրություններին ընդառաջ, «դրոշակ» դարձրած՝ ծածանում են վերանորոգված, հիմնանորոգված դպրոցների, մանկապարտեզների լուսանկարները: Մինչդեռ պարզվում է, որ այս հարցում եւս Փաշինյանն ու իր խմբակը, մեղմ ասած, ստում են, քանի որ դեռեւս կառավարության 2015 թ. հուլիսի 23-ի որոշում կա՝ «Հայաստանի Հանրապետության պետական հանրակրթական դպրոցների սեյսմիկ անվտանգության բարելավման ծրագրի» վերաբերյալ, որի շրջանակներում դեռեւս 2015-ից տասնյակ դպրոցներ են վերանորոգվել ու հիմնանորոգվել, տասնյակներն էլ կիսատ են մնացել, եւ ներկայիս իշխանություններն ընդամենը շարունակել են կիսատ մնացած աշխատանքներն ու այդ ամենը վերագրել իրենց եւ հիմա ներկայացնում են «300 դպրոց»-ի խոստման տակ:



Թեւ սկսվել է հունիսի 7-ի ընտրությունների առաջադրումների փուլը, սակայն իշխող «Զաղպայմանագրում» դեռ քննարկում են իրենց նախընտրական ցուցակը եւ հնարավոր է որոշակի փոփոխությունների ենթարկեն արդեն հրապարակված տարբերակը: «Անձեռնմխելի» է համարվում առաջին 50 համարը: Ի դեպ, օրենքի պահանջն է, որ առաջին 30-ը պետք է հաստատվի համագումարում, սակայն վարչությունը որոշել է, որ կարող են 50 համարից հետո գտնվողների միջեւ տեղափոխություններ կատարել: Երկրորդ 50-յակում փոփոխությունը կարող է անել ԶՊ վարչությունը, իսկ 100-ից հետո որոշել են, որ Փաշինյանը միանձնյա է որոշելու՝ ով որտեղ լինի: ԶՊ ներքին ընտրությունների արդյունքներով, շատ հայտնի ԶՊ-ականներ, պատգամավորներ հետին հորիզոնականներում են հայտնվել, թեպետ իրենց պոտենցիալով, գիտելիքներով անհամեմատ տարբերվում են, այսպես կոչված, առաջատարներից: Մեկը, օրինակ, գործող ԱԺ սոցիալական հարցերի հանձնաժողովի նախագահ Հերիքնազ Տիգրանյանն է՝ 96-րդ տեղում, կամ Մարիա Կարապետյանը եւ այլք: Մեր տեղեկություններով, մինչեւ ապրիլի 17-ը վերջնական տեսքի կբերվի իշխող ուժի ցուցակը:



Սրտիկներին շխաբվեք

Սրանց յուրաքանչյուր արարքին պետք է նայել հունիսի 7-ի պրիզմայով: Դա կօգնի հասկանալ այս իշխանությունների պահվածքի եւ արարքների շարժառիթները: Եթե կարճ ձեռնարկվենք, ապա երկու գործոն է այժմ դեր խաղում՝ ումից են իրենք ամենից շատ վախենում եւ ինչպես են փորձում վախի մթնոլորտ ձեւավորել երկրում: Դատելով քրեական մեթոդներ կիրառելու գործիքակազմից, սրանք ամենից շատ վախենում են Սամվել Կարապետյանի ուժից: Այնքան են վախենում, որ 40 օրական երեխա ունեցող կնոջն են անգամ ձերբակալում՝ նրան մեղադրելով բարեգործության մասին օրենքը խախտելու համար: Որպեսզի հասկանաք՝ այդ ձերբակալության արտադրանքները, ընդամենը նշեն, որ ձերբակալության եւ կալանքի մեթոդը կիրառելու անհրաժեշտություն բացարձակապես չկար: Առհասարակ՝ աշխարհում նույնիսկ մարդասպանների չեն ձերբակալում, մինչեւ դատարանի կողմից դատավճռի արձակումը, իսկ մեզանում ինչ-որ մեկի հետ մի անմեղ գույցի համար կարող են կրծքի երեխա ունեցողին բանտ տանել: Նիկոլյանյան Հայաստանում կալանքը պատժամիջոց է, կիրառվում է բոլոր այլախոհների ու իրենց չենթարկվողների նկատմամբ: Դա Նիկոլ Փաշինյանի ամենասիրելի «գործիքն» է: Այս գործիքի կիրառումից նրան եւ իր իրավապահներին ոչինչ հետ չի պահում՝ տարեց մարդ կլինի իրենց առաջ, թե նոր-նոր չափահաս դարձած անձ, հիվանդ կլինի, թե կերակրող մայր, հարգված գիտնական, թե հայրենիքի համար կյանքը դրած զինվորական՝ սրանց համար ոչ մի նշանակություն չունի: Ազգի կեսին կալանավորել են, մյուս կեսին պատրաստվում են կալանավորել, եթե, իհարկե, ԶՊ անդամ չէ կամ ԶՊ համակիր: Բայց արտադրող տասնապատկվում է նրանով, որ այդ բոլորն անում են զօրուգիշեր սիրուց ու համերաշխությունից, ատելության դեմ պայքարից խոսելով, սրտիկներ ցույց տալով, երգուպարով:



«Միասնության թեւեր» քաղաքական նախաձեռնության ղեկավար Արման Թաթոյանը, մեզ հասած տեղեկություններով, բանակցություններ է վարում հանրային տարբեր գործիչների հետ՝ նախընտրական ցուցակում նրանց ընդգրկելու առաջարկներով: Նրանցից մեկը լրագրող Ալիսա Գեւորգյանն է, որը 44-օրյա պատերազմում կորցրեց իր միակ զավակին՝ Դավիթին, եւ հարգված անձ է լրագրողական դաշտում: «Միասնության թեւեր»-ում հակված են, որ հենց Ալիսան էլ լինի ցուցակի առաջին կին թեկնածուն: Բանակցություններ կան նաեւ բանասեր, թարգմանիչ, քաղաքական-հասարակական գործիչ, ԵՊՀ ամբիոնի վարիչ Անուշ Սեդրակյանի հետ: Թե ինչ արդյունքներ կունենան այս բանակցությունները, մեր աղբյուրը չհայտնեց: Թաթոյանը, որը դիրքավորվել է նախկինների եւ ներկաների արանքում, ասում են՝ ջանում է անխոցելի ցուցակ կազմել, որ արդյունքներն էլ գոհացուցիչ լինեն:

ՄԱՅՐԸ ԴԻՎԱՆԳ Է, ՆԱՅՐԸ ԲԱՆՏՈՒՄ Է

Ոչ միայն ծնողագուրկ երեխաներն են հայտնվում մանկատներում, այլեւ երբեմն նաեւ ծնողներ, տատ ու պապ, հարազատներ ունեցողները: Բերդ համայնքի Այգեձոր գյուղում բնակվող, 2015թ. ծնված Սարգիսի ծնողները հրաժարվել են երեխայի խնամքից: Տղայի մայրը հոգեկան առողջության խնդիրներ ունի, հաշվառված է հոգեբուժարանում, հայրը սպանության համար ազատազրկված է: Անչափահաս տղան գտնվում էր հայրական տատի մոտ, որն օրինական խնամակալ չէ եւ եւս հրաժարվել է երեխայի հետագա խնամքից ու դաստիարակությունից:

Բերդ համայնքի ղեկավար Աստղիկ Հակոբյանը, հաշվի առնելով իրավիճակը՝ երեխայի տարիքը, նրա կյանքին եւ առողջությանը սպառնացող հնարավոր վտանգները, Բերդ համայնքի խնամակալության ու հոգաբարձության հանձնաժողովի 2026թ. մարտի 17-ի նիստի եզրակացությունը, որն առաջնորդվել է «Երեխայի լավագույն շահով», մարտի 26-ին որոշել է անչափահաս երեխաների աջակցման կենտրոն: Նման դեպքերում աշխարհում խնամակալ ընտանիքներ են հայտնվում եւ երեխայի խնամքը վերցնում իրենց վրա:

Նիկոլ Փաշինյանի աջակիցներից կազմված «բաղիասարակության» բոլորին հայտնի ներկայացուցիչներն օրեր առաջ կրկին մեկնել էին Ադրբեջան:



«2026 թվականի ապրիլի 10-12-ը Ադրբեջանում կայացել է Ադրբեջանի եւ Հայաստանի քաղաքացիական հասարակության ներկայացուցիչների հետ երկկողմանի կլոր սեղանի քննարկումը՝ «Խաղաղության շրջանակներում» նախաձեռնության շրջանակներում: «Խաղաղության կամուրջ» նախաձեռնությունը շարունակում է խթանել երկխոսությունը եւ անմիջական փոխադրությունը Ադրբեջանի եւ Հայաստանի քաղաքացիական հասարակության ներկայացուցիչների միջև: Ըստ APA-ի, այս անգամ հայկական պատվիրակությունն Ադրբեջան է ժամանել ցամաքային սահմանով, հատել է սահմանագատված հատվածը եւ անցել սահմանային եւ անձնագրային վերահսկողության բոլոր համապատասխան ընթացակարգերը»,- գրում է ադրբեջանական ԱՊԱ-ն:

Ադրբեջան էր մեկնել նաեւ Երեւանի մամուլի ակումբի նախագահ Բորիս Նավասարդյանը: Ի դեպ, քաղաքացիական հասարակության անվան տակ, այս էլ որերորդ անգամ,

անդրադառնում, օրինակ՝ գերիների հարցին եւ այլն:

- Ես չեմ թվարկի, սակայն կասեմ, որ բոլոր այն հարցերը, որոնք հայ-ադրբեջանական հարաբերությունների հետ կապ ունեն, մենք քննարկել ենք: Ինչ վերաբերում է լուծումներին, ապա դրանք միայն մեզնից չեն կախված, եւ ժամանակ է պետք:

- Իսկ կոնկրետ հայ ռազմագերիների հարցը քննարկվել է այս անգամ:

- Այդ հարցը քննարկվում է միշտ, ասեմ ավելին՝ այն ամենահաճախ ու խորքային քննարկվող հարցերից է:

- Ադրբեջանի բաղիասարակության ներկայացուցիչներն ինչ կարծիք ունեն գերիների հարցի մասին:

- Տարբեր: Այնպես չէ, որ նրանք՝ բոլորը, նույն կարծիքն ունեն: Այդ հարցի լուծումը, ամեն դեպքում, առաջին հերթին իշխանություններից է կախված, այլ ոչ թե քաղաքացիական հասարակությունից:

- Ադրբեջանի իշխանությունները չեն դադարում խոսել «Արեւմտյան Ադրբեջանի» մասին, ավելին՝ օրերս

Ադրբեջանի «ազատագրելու» ծրագրով: Ինչ կարծիք ունեք այս զավթողական քաղաքականության մասին, դուք խաղաղության մասին եք խոսում՝ հանդիպումները կայացնում եք խաղաղության դրոշի տակ, իսկ ադրբեջանական կողմը նման հայտարարություններով է հանդես գալիս:

- Միշտ քննարկվում է նաեւ այս հարցը: Առհասարակ, բոլոր այն հարցերը, որոնք հետաքրքրում են հայկական եւ ադրբեջանական կողմերին, քննարկվում են անպայմանորեն:

- Իսկ այդ դեպքում ինչն Ադրբեջանի իր հռետորաբանությունը չի փոխում, ստացվում է, որ ձեր քննարկումներն անիմաստ են:

- Իմ դիտարկումներով, կան որոշակի փոփոխություններ, ամեն դեպքում, «Արեւմտյան Ադրբեջան» բառակապակցությունը, իմ դիտարկումներով, համեմատաբար քիչ են սկսել կիրառել, քան առաջ, դա ինչ որ տեղ փոխըմբռնման գործընթացի արդյունք է:

- Բայց հնչում է այդ եզրույթը:

- Այո, պարզ է, որ միանգամից չի կարող հարցը լուծվել, քանի դեռ շատ այլ հարցեր լուծված չեն, այս հարցը եւս, քնակալաբար, մնում է առկա:

- Սահմանազատումների հարցերը քննարկում եք:

- Այո, բոլոր հարցերը քննարկվում են խորքային, սակայն չեմ կարող մանրամասներ նշել:

- Ամեն անգամ, երբ գնում եք Ադրբեջան, հայ հանրության մի մեծ զանգված քննադատում է ձեզ, այդ հանգամանքը ձեզ չի մտահոգում:

- Ցանկալի կլիներ, որ մարդիկ ավելի ըմբռնումով մոտենային այս նախաձեռնությանը, սակայն գիտակցում եմ, որ մեր հասարակությունը կարելի է հարցերի շուրջ ունի շատ տարբեր կարծիքներ:

ԻՄ ԴԻՏԱՐԿՈՒՄՆԵՐՈՎ, «ԱՐԵՎՄՏՅԱՆ ԱԴՐԲԵՋԱՆ» ԱՐՏԱՎՅՏՈՒԹՅՈՒՆՆ ԱՎԵԼԻ ՔԻՉ ԵՆ ՍԿՍԵԼ ԿԻՐԱՌԵԼ

Ադրբեջան են մեկնում իշխանամետ քաղաքագետներ, այլ ոչ թե բաղիասարակության, այսինքն՝ հասարակական կազմակերպությունների ներկայացուցիչներ: «Հրապարակը» գրում է Բորիս Նավասարդյանի հետ:

- Հավանաբար, Դուք էլ եք բազմիցս լսել, որ Հայաստանում Ձեզ մեղադրում են Ադրբեջան մեկնելու համար, մանավանդ որ որեւէ առանցքային հարցի չեք

մի ազերի փորձագետ էր խոսում, թե Հայաստան պետություն գոյություն չունի, որ «Արեւմտյան Ադրբեջան» վերադարձի հարցը մշտապես եղել է իրենց օրակարգում, սակայն քանի որ 1988-ին Արցախի հարցն առաջացել է, այդ պատճառով «Արեւմտյան Ադրբեջանի» օրակարգը հետին պլան է մղվել, իսկ այժմ, քանի որ Արցախի հարցը լուծված է, իրենք հետեւողականորեն զբաղվում են «Արեւմտյան

ՍՏՈՒԳՈՒՄ ԵՆ ՆԱՅԿԱԿԱՆ ԿՈՆՅԱԿԻ ՈՐԱԿԸ ԵՎ ՆԵՏ ՈՒՂԱՐԿՈՒՄ



Արդեն գրել էինք, որ օրերս վարչապետ Փաշինյանն «աշխատանքային նախաճաշի» է հրավիրել Հայաստանի խոշոր գործատուներին, որի նպատակը Ռուսաստանի հետ աշխատող հայ գործարարների հանգստացնելն է եղել: Ըստ «Հրապարակի» աղբյուրների, հանդիպման ժամանակ Փաշինյանն ասել է, որ ամեն ինչ շուտով կկարգավորվի, եւ Ադրբեջանի հետ խաղաղության հեռանկարները նրանց առաջ այլընտրանքային շուկաներ կբացեն՝ ոչինչ, որ ռուսական շուկայից զրկվեք, բայց գործարարները դժգոհ են դուրս եկել հանդիպումից:

Այսօր արդեն նոր տեղեկություն ենք ստացել: «Հրապարակի» աղբյուրը հաղորդում է, որ արդեն մոտ մեկ շաբաթ է, ինչ ռուսները սահմանին թանկարժեք սարքավորում են տեղադրել՝ մոտ 10-12 հազար դոլար արժողությամբ, որով ստուգում են հայկական կոնյակի որակը եւ զանգվածաբար հետ ուղարկում: «Շիշ առ շիշ ստուգում են: Շիշը հանում են, նայում, եւ եթե խաղողի սպիրտը 80 տոկոսից պակաս է, չեն թողնում, որ մոնցեն Ռուսաստան», - ասում է քիզնե շրջանակի մեր տեղեկացված աղբյուրը: Ըստ դրա, կոնյակի մեծ մասը, բացի Երեւանի կոնյակի գործարանի արտադրանքից, չի բավարարում այդ չափանիշներին: Իհարկե, Ռուսաստանում սրա

անունը սանկցիա կամ պատժամիջոց չեն դնում, այլ՝ ֆիտոսանիտարական եւ մաքսային հսկողության խստացում, որը կապում են այն կասկածների հետ, թե Հայաստանն իր շուկան բացել է ԵՄ ապրանքների առաջ եւ թաքուն այլ երկրների ապրանք է ներկրում Ռուսաստան՝ առանց մաքսային վճարումներ անելու: Հասկանալի է, որ ստուգումները քաղաքական հենք ունեն եւ խստացել են Պուտին-Փաշինյան հանդիպումից հետո, որը ցրել է ՌԴ նախագահի վերջին կասկածները՝ Հայաստանի պրոեկտայական կողմնորոշման հարցում:

Ի դեպ, այս սանկցիաներից տուժելու են նաեւ ռուսաստանցի գործարարները: Մաքսատուները բարձրացրել է «ոչ բարեկամական» երկրներում արտադրված ապրանքների մաքսատուրքը, որոնց թվում են սննդամթերքը, արկիտը, հագուստը, կոսմետիկ միջոցները: Մոսկվայի մարզի ձեռներեցության զարգացման կենտրոնի տվյալներով, ֆրանսիական շրթներկի համար բազային մաքսատուրքը, օրինակ, 6,5 տոկոսից աճել է մինչեւ 35 տոկոս, իսկ ֆրանսիական օժանելիքի համար տուրքն ավելացել է 20 տոկոսով: ՌԴ պետական մարմինները հայտնել են, որ բարձր դրույքաչափերը գործելու են մինչեւ 2027-ի վերջը:

ՔՊ-ական քաղաքապետի Տեղակալն ազատ է արձակվել

Հակակոռուպցիոն կոմիտեում քննվող կոռուպցիոն բնույթի մի քրեական գործի շրջանակում 2024 թվականի տարեվերջին կալանավորվեցին Արարատի ՔՊ-ական համայնքապետ Ասլան Ավետիսյանի տեղակալ Արսեն Հակոբյանը, քաղաքաշինության, հողաշինության, տրանսպորտի եւ կոմունալ ծառայության բաժնի պետ Հրաչ Դավթյանը եւ այլ անձինք: Կոմիտեից գործի վերաբերյալ այդ ժամանակ միայն հայտնել էին. «Մի շարք անձինք ձերբակալվել են քննվող քրեական վարույթի շրջանակում, այդ թվում՝ Արարատի համայնքապետարանի երկու պաշտոնյաներ: Վերջիններս նկատմամբ որպես խափանման միջոց է ընտրվել կալանքը»: Արսեն Հակոբյանը մամուլի ուշադրության կենտրոնում է հայտնվել մի շարք սկանդալային պատմություններով, 3 տարի առաջ էլ նրա որդին էր դարձել մամուլի հերոս՝ խոշոր վթարի մեղավորը լինելու դեպքով: Արարատ քաղաքում Հակոբյանը կիսագողականի համբավ ունի, հայտնի է «Բառի Արսեն» անունով: Բացի այդ, Արարատում 4 տարի առաջ ՔՊ-ական Ասլան Ավետիսյանը ղեկավար ընտրվեց հենց Արսեն Հակոբյանի աջակցությամբ, որն առաջադրվել էր Արման Բաբաջանյանի կուսակցության ցուցակով: Նա 13,82 տոկոս էր հավաքել եւ իշխանական թեկնածուին միանալով՝ Ավետիսյանին դարձրեց քաղաքապետ:

Կոռուպցիոն բնույթի սույն քրեական գործը՝ 10 մեղադրյալով, նախորդ տարվանից քննվում է Հակակոռուպցիոն դատարանում՝ դատավոր Սարգիս Պետրոսյանի վարույթում: Հակոբյանն ի սկզբանե գտնվում էր բանտային կալանքի տակ, հետո խափանման միջոցը փոխվեց տնային կալանքով: Մեր տեղեկություններով, որոշ ժամանակ առաջ էլ դատարանը փոխել է Հակոբյանի տնային կալանքը՝ ազատություն շնորհելով պաշտոնյային, իսկ խափանման միջոցի փոփոխությունից հետո նա շարունակում է պաշտոնավարել որպես Արարատի փոխքաղաքապետ:

Հակոբյանի պաշտպան Ստեփան Նավասարդյանը հաստատեց մեր տեղեկությունը, որ տնային կալանք խափանման միջոցը փոխվել է, սակայն չնշեց, թե ինչ խափանման միջոց է կիրառվել, իսկ մեղադրանքի վերաբերյալ եւ պաշտոնավարման հետ կապված հարցերին ընդհանրապես չպատասխանեց՝ նշելով, թե գործի մասին խոսելու համար իր վստահորդի համաձայնությունը չունի:

Ըստ մեղադրական եզրակացության՝ Արսեն Հակոբյանն ու Հրաչ Դավթյանը պարբերաբար համագործակցել են միմյանց հետ՝ այս կամ այն հարցի հետ կապված քաղաքացիների հարցերին լուծումներ տալու համար. պահանջել եւ ստացել են 55 հազար դրամից մինչեւ 150 հազար դրամի չափով կաշառք: Աննա ՊԱՊԻՅԱՆ

Հայկ ԳԵՎՈՐԳՅԱՆ

Սյուզան ՍԻՄՈՆՅԱՆ
syuzan.simonyan
@hrapararak.am

- Փաշինյանի հետ վերջին հանդիպման ժամանակ Ռուսաստանի նախագահը նրան ընտրության առաջ կանգնեցրեց՝ կամ գնում եք ԵՄ, կամ մնում եք ԵԱՏՄ-ում, հակառակ դեպքում՝ ակնարկեց տնտեսական սանկցիաների մասին. գազի գնի բարձրացում է այլև: Արդեն արտահանման հետ կապված խնդիրներ, կարծես, ունենք: Ձեր կարծիքով՝ որը պետք է լինի մեր անելիքը:

- Դե հիմի, ասենք, վերջին հանդիպումը, վարչապետի հետ բաց-բաց Պուտինը խոսեց, բերեց էս-էս փաստերը, որ կար՝ ասենք, ասեկոսներ էին, բան էին, տարբեր մարդիկ տարբեր բաներ էին խոսում, թե էսա Լարսը կփակեն, էսա բանը... կամ Ռուսաստանի հետ եք, կամ էլ Արեւմուտքի հետ... Ես բոլոր խոսակցությունները՝ էս վերջին հանդիպման ժամանակ, արդեն եղ երկրի առաջին դեմքից լսեցինք: Ինքը բոլոր հարցերի պատասխանը տվեց, ինչպես Լուկաշենկոն էր ասում՝ «հայերը ուր պիտի գնան»... Այսինքն, Պուտինն անձամբ ասաց, էլի, դուք ուր պիտի եթաք, կամ պիտի մնաք մեր լծի տակ, կամ էլ պիտի գնաք: «Եթե գնաք Եվրոպայի հետ, մենք ձեր գազը թանկացնենք, մենք մեր օլիգարխներին կուղարկենք Յայաստան, որպեսզի Յայաստանը միջից բանդեն», ու նմանատիպ վախեր առաջացրին մեզ մոտ: Մենք տեսանք, որ արդեն առաջին դեմքն է խոսում այդ ամենի մասին, ինչ լսում էինք շարունակ: Ուրեմն, ինչ որ խոսում էին նախկինում, բոլորը ճիշտ էր: Խոսում էին իրան 2-րդ, 3-րդ, 4-րդ դեմքերով, բայց վերջնականապես մենք արդեն համոզվեցինք, որ այդ ամենը երկրի առաջին դեմքի գիտությամբ է արվում:

- Ասում էր, որ պիտի երկու լարի վրա չխաղաք: Ի վերջո, նաեւ մեր օրենսդրությունն է արգելում, որ ԵԱՏՄ կազմում լինելով՝ ԵՄ մտնենք:

- Ուրեմն, մենք որտեղ ուզենանք, էստեղ էլ կգնանք: Մեր երկիրն անկախ չի, Պուտինն ինչ ասի, պիտի անենք: Ես համաձայն չեմ դրան,

մենք լարի վրա խաղացող չենք, մենք պետություն ենք, որ ցանկանում ենք բոլոր պետությունների հետ ունենալ բարիդրացիական հարաբերություններ, լավ հարաբերություններ, առեւտուր անենք՝ վերջ: Ամեն ինչը բոլորի հետ պետք է անենք մենք: Մենք կախված չենք Ռուսաստանի կռուչուկից, որ ինքն ասի՝ դու իրավունք չունես սրանց հետ խոսաս, դու իրավունք չունես սրա հետ առեւտուր անես, ու մնացած տեղերում էլ, որտեղ պետք է, ես ձեր փոխարեն կխոսեմ, բայց էս վերջերում ինքը տեսավ, որ մեր փոխարեն չի խոսում, մենք ենք խոսում մեր փոխարեն: Մեր կյանքում Թուրքիայի հետ երբեւիցե Յայաստանը չի խոսացել, բայց խոսում է արդեն: Եղ մեր անկախության ցուցիչն է:

- Մեր տնտեսությունը մեծապես կախված է Ռուսաստանից, ոչ թե ԵՄ-ից, հիմա, ասենք, եթե մեր գազը թանկանա՝ 500 դոլարից ավելի վճարենք, դա նշանակում է, որ մենք ավելի անկախ կլինենք:

- Ուրեմն, ձեր գազը հիմի 400 դոլար է, եղ որ Պուտինն ասում է՝ էլի կբարձրանա: Մենք 400 դոլարից էժան չենք առնում: Ինչի դուք գազը, որ ձեր տանը վառում եք, ինչքան եք վճարում 170 դոլար:

ԵՎՐՈՊԱՅԻՆ ԵՒ ԳԱԶ ՉՏՎԵՑԻՆ՝ ԵՎՐՈՊԱՆ ՆՈ ՉՎԵՐԱՑԱ՞Վ

- Պետությանը 177-ով է վաճառում, մնացածը պետությանն է այդ ընկերության միջուկ կարգավորվող հարցեր են:

- Բայց մեզ վերավաճառում են 400-ով: Դուք հանգիստ եղեք, մենք Իրանից գազ կբերենք, Ադրբեջանը վաղը կարող է ...Տեսա՞ք նավթամթերքը ոնց էժանացավ մեզ մոտ, երբ Ադրբեջանից բերեցինք, վաղը կարող է Ադրբեջանն էլ մեզ առաջարկի գազ: Այնպես չի, որ մենակ կախված ենք այդ մի տրուբից, եւ վերջ, մենք երկրորդ խողովակն էլ ունենք:

- Իսկ մեր անվտանգությունը, ռիսկեր չէ՞ք տեսնում Ադրբեջանից գազ զնելու դեպքում:

- Մեր անվտանգությունը ռիսկն է պահել, 20-ին ռիսկը պահեց մեր անվտանգությունը, 22-ին, երբ որ մտան մեր սահմանը, հակառակորդը մինչեւ հիմի մեր սահմանում է, Պուտինը պահեց՝ իրա ՅԱԿԿ-ով:

- Պուտինն ինչի՞ պիտի մեր սահմանը պահի: Մենք պիտի պահենք:

- Այո, մենք ենք անելու, մենք ունենք պայմանագիր, մեր անվտանգության երաշխավորը եղել է Ռուսաստանը, բայց ինքը տեսանք՝ ինչ ձեւի մեր անվտանգությունը պաշտպանեց, երբ որ արդեն ադրբեջանցիները գտնվում էին մեր տարածքի մեջ, ինքն ասում էր՝ չգիտենք ում տարածքն է:

- Պարոն Մելքոնյան, լավ, իսկ ինչ է տալիս Արեւմուտքը մեզ, որ մենք փչացնում ենք հարաբերությունները Ռուսաստանի հետ:

- Մի րոպե, մենք նախ՝ Արեւմուտքին հայտ չենք ներկայացրել:

- Որովհետեւ այնտեղ չեն էլ սպասում մեզ, հայտարարել են մի բանի անգամ:

- Որտեղ են մեզ սպասում մեզ ոչ մի տեղ էլ չեն սպասում: Երկիր ես, գնա, եղունգ ունես՝ գլուխդ բորի: Մեր անվտանգության երաշխավորը մենք ենք, մեր երկրի, որ մենք պիտի պահենք:

հետ, Ֆրանսիայի հետ, Յուգոսլավիայի հետ, Իրանի հետ, բոլորի հետ էլ մենք ունենք, նույնիսկ՝ Եվրոպայի, նույնիսկ՝ Չինաստանի հետ: Մենք նախագիծը չենք ընդունել խորհրդարանում: Ընդունել ենք, բանը, ոնց էր կոչվում՝ սկսել աշխատանքներ, որպեսզի զարգացնենք մեր հարաբերությունները: Մենք կապրիզ չունենք, ընդամենն ուզում ենք, որ մեր երկիրը հավասարը հավասարի լինի բոլորի հետ: Ո՞վ է Ռուսաստանին չարացնում, ինքն է ասում՝ չպիտի գնաք սրանց հետ խոսեք, սրանց հետ չփվեք, մենք ում հետ ուզենանք, սրանց հետ էլ պի-



Յարգազրույց ԶԳ-ական պատգամավոր Գազիկ Մելքոնյանի հետ

ԵՎՐՈՊԱՅԻՆ ԵՒ ԳԱԶ ՉՏՎԵՑԻՆ՝ ԵՎՐՈՊԱՆ ՆՈ ՉՎԵՐԱՑԱ՞Վ

տի առեւտուր անենք, ցանկանալով ռազմավարական ընկեր դառնալ: Ռուսներն ինչի են նախանձում, ինչի են վախենում, Եվրոպայի անունը տալիս են... ասում են՝ Եվրոպան մեր թշնամին է, դուք իր հետ գործարք եք անում, մենք էլ ենք թշնամի ունեցել, որ Ռուսաստանի հարազատներն են եղել, մենք իրանց, օրինակ, ասել ենք՝ ինչի եք էլ պետությունների հետ հարաբերությունների մեջ: Կարելի է ամեն անգամ Լարսը փակել, վառելիք չեն տալիս, գազը կթանկացնենք. հետո ինչ՞ Եվրոպային էլ գազ չտվեցին, Եվրոպան հո չվերացավ: Մենք չենք ընդունում իրենց ուլտիմատումները, ուզում են մեզ վախեցնել, թե կխառնվենք ձեր ներքին գործերին:

Լուսինե ՇԱՀՎԵՐԴՅԱՆ
lusine.shahverdyan@hraparak.am

ՓԱՇԻՆՅԱՆԸ ԵՐԻՏԱՍԱՐԴՊԻԹՅԱՆ ՆԱՄԱՐ ԼՈՒԳԵՐ Է՝ ՄԱՐԴ, ՈՐՆ ԱՄԵՆ ԲԱՆ ՏԱՊԱԼԵԼ Է

«Յրապարակի» զրուցակիցը քաղտեխնոլոգ Վիգեն Յակոբյանն է:

- ԶԳ-ական իշխանության նախընտրական լոգոտիպը կազմված է հայտնի սրտիկից, անամպ ու կապույտ երկնքից, որտեղ չկա ոչ Նիկոլ Փաշինյանի անունը, ոչ նրա լուսանկարը, ի տարբերություն նախորդ ընտրությունների լոգոտիպների: Շատերն այդ սրտիկը նմանեցնում են կնոջ կոնքերի, ծաղրում են ԶԳ-ականներին: Ըստ Ձեզ, ԶԳ-ի թրեյդային սրտիկն ինչ ազդեցություն կարող է ունենալ ընտրողի վրա: Մենք բավականին պահպանողական՝ «թյարթու» հասարակություն ենք, ասենք՝ հայ մարդը, հայ տղամարդն ինչ է զգալու՝ այդ սրտիկը տեսնելով:

- Այն լրիվ արտացոլում է իրենց վարած քարոզչության գաղափարախոսությունը: Այդ թիմն անդադար սրտիկներ է ուղարկում, թիմի ղեկավարից մինչեւ կուսակցության անդամներ: Անգամ ուրախ ավտոբուսների մեջ՝ հերթով, մեկ հրա-

անգով սրտիկներ են անում: Ուզում են ցույց տալ, որ ինչպես հեղափոխական եղել են, այդպես էլ մնացել են, ուզում են ցույց տալ, որ սիրո եւ հանդուրժողականության հեղափոխությունը շարունակվում է՝ ոչինչ չի փոխվել, որ այսօրվա Նիկոլը հին Նիկոլն է: Ինչ վերաբերում է դրա ազդեցությանը, ապա հիմնականում նրանք աշխատում են իրենց երկաթբետոնյա ընտրագանգվածի վրա, որի համար, անկեղծ ասած, մեծ նշանակություն չունի՝ ԶԳ-ն սրտիկ կանի, բառակուսի ինչ-որ այլ նշաններ ցույց կտա, թե կլոր բաներ: Ոչ մի նշանակություն իրենց համար չունի այդ ամենը, բանի որ նրանք աղանդի հոգեբանությամբ են մոտենում այդ թիմին եւ նրա առաջնորդին, բայց երբ հարցնես, թե ինչու, նրանք չեն կարող այդ հարցին պատասխանել: Բացի այդ, ԶԳ-ն երիտասարդների հետ աշխատելու խնդիր ունի: Նոր սերունդը «թյարթու»-ից դուրս է, դաստիարակվել է այլ չափանիշներով, այլ ֆիլմեր է դիտել եւ ունի այլ պատկերացումներ: Նրանցից

չատերն իդեալական են պատկերացնում Արեւմուտքն ու արեւմտյան արժեհամակարգերը: Փաշինյանն ուզում է ցույց տալ, որ ինքը լրիվ նույնն է, ոչինչ չի փոխվել, այն, որ իրենք հարստացել են, միլիոնատերեր են դարձել այս տարիներին, դրանք միջեր են եւ այլն: Նրանք փորձում են անփորձ ընտրագանգվածի վրա ազդել, որը բաղկացած կլինի երիտասարդներից, մի խոսքով՝ երիտասարդներին խաբելը կարծում են, որ ավելի հեշտ է:

- Բայց եթե երիտասարդներն առաջադեմ են, չեն համակրում Փաշինյանին, ինչպե՞ս պետք է խաբվեն նրա սրտիկով լոգոտիպին:

- Ես կարծում եմ, որ ամենազխավոր պորբլեմը, որն ունի ԶԳ-ն, դա 18-35 տարեկանների ընտրագանգվածն է, որը չի ընտրում Փաշինյանին: Այդ պատճառով էլ փորձում են երիտասարդներին նման սիմվոլներով գրավել, սրտիկներ-մրտիկներ, վարչաբեմեր եւ այլն: Փաշինյանը նաեւ հեծանիվ էր վարում, որը եւս այդ տրամաբանության մեջ է: Նրանց

քաղտեխնոլոգները հուշել են, որ երիտասարդության հետ պետք է նույն ալիքի վրա լինել, որպեսզի երիտասարդությունը «ծիզրովկայով» տոտաների նման Փաշինյանին ընդունի որպես առաջնորդ: Փաշինյանը փորձում է, կստացվի, թե ոչ, դա այլ հարց է՝ ընտրությունները ցույց կտան, սակայն սոցիալացումները ցույց են տալիս, որ այս բոլոր հնարքներն ազդեցություն չեն ունենում երիտասարդների վրա: Մեր երիտասարդների զգալի մասը կայացած ու գրագետ է, նրանք կարողանում են շատ արագ տուն պահողներ դառնալ: Նրանք ինքնուրույն են եւ ինքնուրույն էլ որոշում են՝ ում ընտրել: 20, 30, 40 տարի առաջ տան մեծերն էին որոշում ում եւ ինչպես ընտրել, բայց հիմա երիտասարդներն են տուն պահողները, եւ նրանք ինքնուրույն են կատարում իրենց ընտրությունը: Նիկոլ Փաշինյանը երիտասարդության համար լուզեր է, մարդ, որն ամեն բան տապալել է: Յաջողակ երիտասարդության մոտ նման կերպարները չեն կարող համակրելի լինել:



Յայկ ԳԵՎՈՐԳՅԱՆ

Քայսպես անհրաժեշտ է հիշել Ռուսաստանի արտահանվող տարբեր ապրանքների մասով ժամանակ առ ժամանակ սահմանափակումներ են մտցվում: Դրանք հիմնականում քաղաքական որոշումների արդյունք են, որով Ռուսաստանն իր վերաբերմունքն է հայտնում Հայաստանի իշխանությունների այս կամ այն բայի հանդեպ: Երբեմն սահմանափակումներ են իրականացնում նաև վրացիները՝ Վրաստանում հավելյալ ստուգումներ սահմանելով իրենց երկրով տրանզիտով անցնող ապրանքների նկատմամբ:

Սակայն այս պահին «պատժամիջոցներ» կիրառող Ռուսաստանն է, որը դժգոհություններ ունի Նիկոլ Փաշինյանից և իր վերաբերմունքն է արտահայտում նրա վարած քաղաքականության նկատմամբ: Արդյունքում տուժում են հայ գործարարները, դեպի Ռուսաստան ապրանք արտահանող և այդ արտահանումից եկամուտ ունեցող մարդիկ: Վերջին

չի բացառվում, որ առաջիկայում ջերմուկի ներկրումն արգելեն:

Մեր տեղեկություններով, արդեն իսկ Պաշինյանի գործարանն իր աշխատակիցների մի մասին հարկադիր պարապուրդի է ուղարկել: Իհարկե, դա այս գործարանում պարբերաբար են անում՝ աշխատակիցներին ուղարկելով իրենց հաշվին չվճարվող արձակուրդ: Նրանց ասում են, որ արտահանման դժվարություններ կան, որոնք ազդում են ընկերության ֆինանսական վիճակի վրա, երբ վիճակը բարելավվի, հետ կկանչեն աշխատանքի:

«Հրապարակ»-ը կապվեց Պաշինյանի կոնյակի գործարանի ներկայացուցիչների հետ և հետաքրքրվեց՝ արդյոք այս պահին է՞նչ աշխատակիցներին հարկադրաբար ուղարկել են չվճարվող արձակուրդ: Մեր հարցին ի պատասխան, ընկերության հաշվապահությունից մի աշխատակից ասաց. «Դա թյուր ինֆորմացիա է, հնարավոր է՝ սեզո-

Այս պահին Պաշինյանի կոնյակի մուտքն արգելելու գործընթացն իրականացնող մարմինը Ռուսաստանի ակտիվի և ծխախոտի շուկան վերահսկող պետական մարմինն է՝ «Ռուսակոգուտաբակկոնտրոլը»: Այս կառույցը հաղորդել է, որ «չպլանավորված» ստուգում է իրականացրել՝ Ռուսաստանի ներմուծվող կոնյակի նմուշների փորձաքննություն, և ստանդարտների կոպիտ խախտումներ է արձանագրել: Մեզ հետ զրուցած Պաշինյանի կոնյակի գործարանի աշխատակիցն անդրադարձավ նաև այդ հրապարակումներին. «Պաշինյանի գործարանն իր գործունեությունն իրականացնում է միջազգային չափանիշներին և գործող օրենսդրությանը համապատասխան: Նշված հրապարակումները վերաբերում են բացառապես այդ ներմուծող ընկերության գործունեությանը և որեւէ առնչություն չունեն Հայաստանի Հանրապետությունում իրականացվող արտադրական գործընթացի հետ: Գործարանն աշխատում է բնականոն ռեժիմով, անխափան իրականացնում է արտադրություն, շարունակաբար արտահանում է իր արտադրանքը միջազգային շուկաներ, այդ թվում՝ ԵԱՏՄ երկրներ: Գործարանը պարբերաբար անցնում է միջազգային աուդիտներ ու ունի որակի կառավարման ու սննդամթերքի անվտանգության համապատասխան սերտիֆիկատներ»: Բանն այն է, որ Պաշինյանի գործարանը մասնաճյուղեր ունի Ռուսաստանում և Ուկրաինայում, հավանաբար, խոսքը վերաբերում է Ռուսաստանում գործող մասնաճյուղին, որին զրկել են լիցենզիայից, բայց դրա մայր գործարանը գտնվում է Հայաստանում:

Ձյան հետեւանքով Դիլիջանում ո՛չ լույս կար, ո՛չ ջուր, ո՛չ գազ

Ապրիլի 12-ի երեկոյան տեղացած ձյունը Դիլիջան քաղաքի բնակիչների կյանքը լիովին խաթարել էր: Տեղացած ձյան հետեւանքով կոտրվել էին ծառերի ճյուղեր, շարքից դուրս էին եկել էլեկտրական հոսանքագծեր: Դիլիջանում տներ կային, որոնք, խմելու ջրից զատ, զրկված էին նաև էլեկտրական հոսանքից ու բնական գազից: Էլեկտրական հոսանքի գծերի վթարների հետեւանքով քաղաքը զրկվել էր պոմպերի միջոցով մղվող խմելու ջրից, որովհետեւ պոմպերն էլ են հոսանքով աշխատում: Դիլիջանի համայնքապետարանի ինտերնետային կայքն ապրիլի 13-ին հայտարարություն էր տեղադրել. «Վեռլիա ջուր» ընկերությունը տեղեկացնում է իր հաճախորդներին և սպառողներին, որ «Հայաստանի էլեկտրական ցանցեր» ընկերության կողմից իրականացվող վթարավերացման աշխատանքներով պայմանավորված, ս.թ. ապրիլի 13-ին, ժամը 10:30-ից մինչև ապրիլի 14-ը, ժամը 10:30-ը կդադարեցվի Տավուշի մարզի Դիլիջան քաղաքի ջրամատակարարումը: Ընկերությունը հայցում է սպառողների ներողամտությունը՝ պատճառված անհանգստության և կանխավ շնորհակալություն հայտնում ըմբռնման համար»:

Տեղացած ձյան հետեւանքով Դիլիջանի որոշ թաղամասեր ապրիլի 13-ից երեկն էլ լույս չունեին և միայն այդ օրվա երեկոյան ժամերին են ունեցել, բնական գազն էլ մի բանի թաղամասերում շատ ցածր ճնշման է եղել: Այնպես որ, միայն Երեւանում չէ, որ տեղացած ձյունը կամ անձրեւը կաթվածահար է անում մայրաքաղաքի կյանքը, մարզերում էլ է նույն վիճակը:



ՊՈՌՇՅԱՆԻ ԿՈՆՅԱԿՆ ԱՐՏԱՎԱՆԵԼ ԵՆՔ, ԱՐՏԱՎԱՆՈՒՄ ԵՆՔ ՈՒ ՊԻՏԻ ԱՐՏԱՎԱՆԵՆՔ

շրջանում գրվել է հողով տնկիների, ծաղիկների, կոնյակի, ծխախոտի արտահանման դժվարությունների ու արգելքների մասին: Ապրանքների ներկրումը սահմանափակող «Ռոսսելխոզնադորն» անցած շաբաթ հայտարարեց, որ Պաշինյանի կոնյակի գործարանի արտադրանքը չի համապատասխանում իրենց ստանդարտներին, և զրկեցին լիցենզիայից Ռուսաստանի տարածքում: Ապա տեղեկացանք, որ ջերմուկի հետ կապված մի հին քրեական վարույթ են վերակենդանացրել, և

նին ինչ-որ աշխատակիցներ իրենք են գալիս ու իրենց հաշվին արձակուրդ վերցնում: Նման դեպք չի եղել, որ մենք խնդրենք աշխատակիցներին, որ իրենց հաշվին արձակուրդ վերցնեն»: Իսկ հարցին, թե արտահանումներ իրականացվում են այս պահին, ընկերությունն այժմ ինչ դժվարությունների է բախվում, նշեցին. «Մենք կոնյակ արտահանել ենք, արտահանում ենք ու պիտի արտահանենք: Եղել են դժվարություններ, լրիվ փակ չի եղել: Խնդիրներ եղել են, կան ու կլինեն, մի քիչ՝ շատ, մի քիչ՝ քիչ»:

Արմինե ՆԱՎՈՅԱՆ

ԵՐԵՎԱՆԸ՝ ԹԳՈՒԿԻ ԳԼՈՒԽ, ՄԱՐԳԵՐԸ՝ ՄԱՐՄԻՆ



Հայաստանը նմանվել է թզուկի, որի գլուխը շատ մեծ է, մարմինը՝ փոքր: Երկրիս գլուխը մայրաքաղաք Երեւանն է, որտեղ կենտրոնացած է բնակչության գրեթե կեսը, արտադրական, մշակութային, կրթական, գիտական, առողջապահական և այլ հիմնարկների մեծամասնությունը: Երեւանում բնակչության կենտրոնանալու հետեւանքով «թզուկի» գլուխն այնքան է մեծացել, որ մարմինը ճկվել՝ գետնին է զլորվում: Հայաստանի ամեն իշխանություն բարձրագույն հայտարարություններ է արել՝ մարզերի համաչափ զարգացման նպատակով մարզերում ենթակառուցվածքների բարելավման, ծրագրերի իրականացման մասին: Սակայն որտեղ են այդ ծրագրերը, արդյունքը:

Սահմանամերձ գյուղերի տները լույսերից կարելի է գնահատել, թե որքան են արտաքին ու ներքին գաղթի հետեւանքները: Շատ տներում լույս չի վառվում, տներ էլ կան, որոնցում միայն ծեր ամուսիններ են մնացել կամ միայնակ, ծեր կենսաթոշակառուներ: Գյուղերում քիչ է երիտասարդությունը, հարսանիքներ քիչ են լինում, դպրոցներում աշակերտների թիվը տարեցտարի նվազում է: Տավուշի մարզպետարանից տեղեկացել են, որ 2025-2026 ուսումնա-

կան տարում մարզի հանրակրթական դպրոցներում սովորող աշակերտների թիվը 15 հազար 468 է: Տավուշի մարզպետարանի տվյալներով, 23 տարի առաջ՝ 2002-2003 ուսումնական տարում, Տավուշի մարզի հանրակրթական դպրոցներում 21 հազար 896 աշակերտ էր սովորում: Անցած 23 տարում մարզի հանրակրթական դպրոցների աշակերտների թիվը նվազել է 6 հազար 428-ով: Հանրակրթական դպրոցների աշակերտների թվի նվազման հետեւանքով նվազել է նաև այդ դպրոցների շրջանավարտների թիվը: Տավուշի մարզպետարանի տվյալներով, 2021-2022 ուստարում մարզի հանրակրթական դպրոցների շրջանավարտների թիվը եղել է 1124, 2022-2023 ուստարում՝ 1040, 2023-2024 ուստարում՝ 984, իսկ այս տարի Տավուշի հանրակրթական դպրոցները կունենան ընդամենը 666 շրջանավարտ: Այսինքն՝ վերջին 4 տարում Տավուշի մարզի պետական հանրակրթական դպրոցների շրջանավարտների քանակը նվազել է 458-ով: Մարզում բնակչության վերած չկա, կամ այն փոքր է, արտագաղթն էլ ոչ մեծ տեմպով շարունակվում է: Ինչո՞ւ են բնակիչները հեռանում Տավուշից, հիմնականում՝ սահմանագոտուց: Որքան էլ

Նիկոլ Փաշինյանը հայտարարի, թե Ադրբեյջանի հետ խաղաղություն է հաստատվել, սահմանամերձ գոտու բնակիչները տեսնում են, որ խաղաղության պայմանագիր կնքված չէ, սահմանամերձ տարածքներն օկուպացված են, Տավուշի սահմանագոտուց հազարավոր հեկտարներ դեռևս 1990-ական թվականներից գտնվում են Ադրբեյջանի զինուժի վերահսկողության ներքո, 2024-ին Կիրանցի հողերն Ադրբեյջանին հանձնելուց հետո սահմանագոտու գործը կանգ է առել: Սակայն գաղթի հիմնական պատճառը դա չէ, մարդիկ արտագաղթում են հիմնականում մշտական զբաղվածություն, եկամտի կայուն աղբյուր չունենալու պատճառով: Տավուշից տղամարդիկ արտագնա աշխատանք են մեկնում Ռուսաստան: 1-2 տարի այնտեղ սեզոնային աշխատանք կատարելուց հետո որոշում են իրենց ընտանիքներն էլ տեղափոխել այնտեղ, հիմնական բնակություն հաստատել: Նախկինում տավուշցիները հազվադեպ էին Ռուսաստանում հուղարկավորում իրենց ծնողներին, հանգուցյալներին հուղարկավորման համար տեղափոխում էին Հայաստան, իսկ այժմ ծնողներին Ռուսաստանում հուղարկավորելը սովորական երեւույթ է դարձել: Օրինակ, Նոյեմբերյան համայնքի Ոսկեպար գյուղից գաղթածները

Բելգորդի մարզի Ստարի Օսկոլ քաղաքում այնքան շատ են, որ նրանք այդ քաղաքը կատակով Նովի Ոսկեպար են կոչում: Բերդ համայնքի Մովսես և այլ բնակավայրերից վերաբնակները Մոսկվայում են հիմնավորվել: Ասում են, որ Մոսկվա քաղաքում ու Մոսկվայի մարզում սանտեխնիկայի վաճառքի 10 տոկոսը Բերդ համայնքից սերված գործարարներն են իրականացնում: Արտագաղթին ավելանում է ներքին տեղաշարժը: Գյուղերից եկած երիտասարդները Երեւանում լավ վարձատրվող աշխատանք են գտնում, հիպոթեքով բնակարան են գնում, իրենց տնեցիներին էլ աստիճանաբար տեղափոխում այնտեղ: Վերջին տարիներին համայնքներում սուբվենցիոն ծրագրերով ճանապարհներ են սալիկապատվել, սաֆալտապատվել, խմելու, ոռոգման ջրագծեր անցկացվել, սակայն բնակիչներին եկամտաբեր աշխատանք է հարկավոր: Անասնապահությունը եկամտաբեր չէ, եթե մեծ թվով անասուններ չեն պահում, հողագործությունը, այգեգործությունն էլ սպահովագրված չեն երաշտից ու կարկտահարությունից: Համայնքներից գաղթը կանխելու համար հարկավոր է պետական և այլ աջակցությամբ փոքր արտադրություններ ստեղծել գյուղերում, որը, սակայն, չի արվել ու չի արվում:

Նյութերը՝ Ոսկան ՍԱՐԳՍՅԱՆԻ

Ապրիլի 12-ը երեւի ամենաերեւելի օրերից մեկն էր Հունգարիայի վերջին տասնամյակների պատմության մեջ: Ամբողջ գիշեր տոնախմբություն էր Բուդապեշտի փողոցներում տոնում էին մեկ հաղթանակ եւ ձեռքբերում՝ Վիկտոր Օրբանի հեռացումն իշխանությունից: Օրբանին չփրկեցին ոչ Ռուսաստանի եւ ԱՄՆ-ի դիրքավորումները, ոչ էլ ԱՄՆ եւ ՌԴ նախագահների հետ անձնական բարեկամությունն ու նրանց բացահայտ աջակցությունը:

Ընդամին, Վիկտոր Օրբանի պարագայում դա իրական եւ գործնական բարեկամություն էր, ոչ թե Փաշինյանի նման՝ տեղեկատվական ձեռնածուխներով ստեղծվող տպավորություն: Դիցուք, Թրամփը հազիվ թե գոնե մեկ անգամ Փաշինյանի անունը կամ ազգանունը հիշողությամբ արտասանած լինի կամ Փաշինյանին առհասարակ դեմքով ճանաչի: Մինչդեռ Օրբանի մասին Թրամփը խոսում էր եւ իր առաջին պաշտոնավարման ժամանակ, եւ Սպիտակ տնից հեռանալուց հետո, եւ այժմ: Ոչ միայն խոսում էր, այլեւ սկզբում Մարկո Ռուբիոյին, այնուհետ՝ Ջեյ Դի Վենսին անձնապես գործուղեց Հունգարիա՝ Վիկտոր Օրբանին հրապարակային աջակցություն հայտնելու: ՌԴ նախագահի հետ էլ Օրբանի հարաբերություններն այնքան փոխվածափոխ էին, որ Օրբանը գիշերուց օր Ռուսաստանի տրամադրվող ռազմական, ֆինանսական եւ այլ աջակցությունները տորպեդահարելով էր զբաղված, զուգահեռաբար էլ՝ Պուտինին դիֆերամբներ ձուլելով:

Գումարած՝ Օրբանն էլ Փաշինյանի նման շանտաժի էր դիմում, թե իբր եթե իրեն վերստին չընտրեն, Հունգարիան կներքաշվի ուկրաինական պատերազմի մեջ: Դա բոլոր պրոռուսական գործիչների՝ հոգնեցնելու չափ ծանոթ հանկերգն է: Բայց դա էլ չօգնեց Օրբանին: Նրան հունգարացիները

ոչ թե պարտության մատնեցին, այլ ուղղակի գրողի ծոցն ուղարկեցին՝ նրա մրցակից Պիտեր Մաջարին տալով սահմանադրական մեծամասնություն ապահովող քվեների քանակ: Օրբանն այնքան ու այնպես էր զգվեցրել ամենքին, որ ոչ մի աջակցություն ու շանտաժ նրան չփրկեցին:

Սակայն արդյոք Օրբանն ավելի մերժելի եւ վնասարար մեկն էր, քան Նիկոլ Փաշինյանը: Անշուշտ՝ ոչ: Օրբանը, հաստատ, չէր հասել այնպիսի արհամարիվածության եւ արգահատանքի, որ սեփական երկրում, որտեղ փորձեր քաղաքացիների հետ շփվել, լեզվակռուի մեջ ընկներ, դիմացը կանգնած՝ թուքումուր տալիս, հետը բառ փոխանակել չցանկանային: Նման ողորմելի վիճակը սեփական երկրում ցանկացած ղեկավարի համար ազդանշան կլիներ, որ ինքն այլեւ կորցրել է ղեկավարի ընկալումը հասարակության մեջ եւ պետք է հեռանա: Սակայն Փաշինյանը մտավոր խնդիրների եւ հոգեկան անհավասարակշռության, թե մինչեւ ուղնուծուծը ահաբեկվածության պատճառով պատրաստ է ամեն թուքումուր կուլ տալ, արհամարիվել եւ նվաստանալ, այդ մերժումից զազազած ու չափը կորցրած՝ սրանրա ետեւից ընկնել, միայն թե

ՕՐԲԱՆՆ ԵՒ ԵՐ ԻՐ ԱԳՂԻՆ ՇԱՆՏԱՃ ԱՆՈՒՄ ՊԱՏԵՐԱԳՄՈՎ

իշխանության մեա, թիկնապահներով շրջապատվի եւ սեփական գոյությունը երաշխավորի:

Նույն գերխնդիրն էն ծառայում նաեւ Փաշինյանի եւ ուսապարկերի տեղեկատվական ձեռնածուխները, երբ փորձում են մոլորեցնելով հասարակության մոտ տպավորություն ստեղծել, թե Փաշինյանն Արեւմուտքի համար որեւէ նշանակություն ունի, կամ ԱՄՆ ծրագրերը Հայաստանի առաջնությունը կապ ունեն Փաշինյանի հետ, եւ այդպես շարունակ: Ընդ որում, այդ տեղեկատվական փուչիկը զգալիորեն արտածել են Ջեյ Դի Վենսի շատ

տրամաբանական հայտարարությունից, թե ինքը ողջունում է Հայաստանի հարաբերությունների սերտացումն ԱՄՆ-ի հետ, ռազմավարական գործընկերության արդյունավետ առաջընթացը եւ կցանկանար, որ Հայաստանի պրոարեւմտյան քաղաքական ուղեգիծը շարունակվի: Սակայն ի՞նչ է ասել, թե Հայաստանի պրոարեւմտյան կամ պրոամերիկյան քաղաքականությունը խարսխված է Փաշինյանի անձի կամ պաշտոնավարման վրա:

2022-ից, բայց հատկապես 2024-ից ի վեր, երբ Մերձավոր Արեւելքում եւ Արեւելյան Եվրոպայում ծավալվեցին ԱՄՆ-ի համար խիստ բարենպաստ զարգացումներ, ԱՄՆ-ն այլեւ բացահայտ ցույց է տալիս, որ Հայաստանում ունի լուրջ հետաքրքրություններ: Դրանք նույն այն հետաքրքրությունների ծիրում են, որոնցից ելնելով՝ հարյուր տարի առաջ դեռ Օսմանյան կայսրության կազմում գտնվող Հայաստանում ԱՄՆ-ն դիվանագիտական ներկայացուցչություն էր բացել եւ 1920-ի Վերսալյան վեհաժողովում Հայաստանի մանդատն էր ստանում:

Փաշինյանը խիստ մոլորության մեջ է, եթե կարծում է, թե իր անձը կամ Արթուրյանի հետ խրտվիլակային խաղաղությունն այդտեղ

Այնպես որ, Փաշինյանը, ի տարբերություն Օրբանի, որեւէ ծանրակշիռ աջակցություն արտերկրից չունի, հասարակության մեջ առկա մտապատճեններն այդ առնչությամբ տեղեկատվական ձեռնածուխներով գոյացրած փուչիկներ են: Սակայն այդ փուչիկներն ավելի եւ ավելի մեծ խնդիր են դառնում Արեւմուտքի համար: Փաշինյանը՝ չհասկանալով, թե դիտավորությամբ, ամեն ինչ անում է՝ առաջիկա խորհրդարանական ընտրություններում ոչ միայն Օրբանից էլ վատ ջախջախվելու, այլեւ,



ԻՆՏԵՎՅՈՒ

ինչը մտահոգիչ է, հասարակությանը «Եվրոպական կողմնորոշումը՝ ընդդեմ ազգային ինքնության» դիլեմա պարտադրելու համար: ԵՄ-ն եւ ԱՄՆ-ն պետք է կամ Փաշինյանին կարգի հրավիրեն, որպեսզի նա հայկական ինքնության անկյունաքարերի՝ հայոց պատմության, լեզվի, Եկեղեցու դեմ բարբառանքներն ու ոտնձգությունները դադարեցնի, կամ ընտրություններից առաջ Փաշինյանին խորհուրդ տան հեռանալ, որպեսզի Հայաստանի եվրոպական կողմնորոշումն ու ապագան Փաշինյանն իր անձով չվարկաբեկի եւ չվտանգի:



Լուսինե ՊԵՏՐՈՍՅԱՆ
lusine@hraparak.am

Անվերջ կարելի է հիշել ու վերլուծել, թե ինչպես Նիկոլ Փաշինյանը պարտվեց Հայ առաքելական սուրբ Եկեղեցու դեմ իր սանձազերծած կռվում: Պարտվեց ոչ միայն ճակատամարտի մակարդակում, այլեւ՝ ամբողջ պատերազմում: Նա անդադար ձեռնարկեց նորանոր հարձակումներ, եղավ կրեատիվ ու սպառնազին, կոտրեց տասնյակ հոգեւորականների հավատով կոփված կամքը: Թվաց, թե հաջողություն է գրանցելու, բայց՝ ոչ, դա խաբկանք էր: Ինքն էլ տեսավ, որ անգամ իր արշավներին պարբերաբար մասնակցող մարդիկ խորապես մերժում են այդ ձեռնարկը եւ չեն հարգում այդ ոճը: Տեսավ, համոզվեց, որ ընտրություններից առաջ ոչ մի լավ բան չի խոստանում այդ կեղծ պատարագների բեմադրությունը, ու լուռ հետ քաշվեց, անշուշտ նահանջեց ու սառեցրեց թեման մինչեւ ընտրությունների ավարտը: Սա ամենեւին չի նշանակում, թե հավատավոր համայնքը կարող է հանգիստ շունչ քաշել, մտածել, որ մեր չարչարված նյարդերը բաց են թողնելու, մեր սրբություններին չեն բռնանալու, թույլ են տալու՝ այս մասով պահպանել մեր հին պատմությունը, մեր

հին տեսակը՝ իրենց համար ոչ իրական, մեզ համար իսկական մեր երկրները... Բայց այդպես մտածողները խորապես հիասթափվելու են:

Չգոնությունը թուլացնելու կարիք չկա: Նա անպատճառ վերադառնալու է այս հարցին, ընդամենը մոտ երկու ամիս անց նա գալու է երկրի փոքրամասնությունից ստացած քվեով ու հայտարարելու է, որ ունի մանդատ՝ Հայ առաքելական Եկեղեցին իր ճաշակով «բարեփոխելու» համար: Դա կլինի այն դեպքում, եթե մեծամասնությունը, այնուամենայնիվ, նախընտրի մեզ տանը՝ ընտրությունների օրն այդ բացակա կեցվածքով՝ իր անհամաձայնությունն ու դժգոհությունը հայտնելու ընդդիմադիր բոլոր ուժերին: Հետո նրանք՝ այդ հիասթափված մեծամասնությունը, կտեսնի համառ ու ագրեսիվ փոքրամասնության հաղթանակի խրախճանքը ու դառնորեն կհասկանա, որ քվեարկեց ընդդեմ ողջախոհության, ընդդեմ հայրենասիրության, ընդդեմ մեր հավատքի, մեր հայրերի հիշատակի, այդպես քվեարկեց՝ անուղղակի, քվեարկությանը չմասնակցելու իր որոշմամբ: Այդ որոշմամբ թույլ տվեց «բարեփոխել»


ՔՎԵԱՐԿՈՒԹՅՈՒՆ՝ ՂԱՆՈՒՆ ԽԱՉԻ ՈՒ ՄԿՐՏՈՒԹՅԱՆ

Եկեղեցին, այնպես, ինչպես տեսնում են թե Փաշինյանը, թե Փաշազադեն միաժամանակ:

Պետք է չկասկածել, որ հաղթանակի դեպքում Փաշինյանը, անկասկած, կունենա ցանկություն եւ կունենա արդեն նաեւ հնարավորություն՝ Եկեղեցու դեմ պայքարն իր համար ցանկալի ելքով ավարտելու համար: «Քաղաքացիական պայմանագիր» կուսակցությունը նախընտրական ծրագրում հիշատակել է Եկեղեցու եւ կաթողիկոսի հարցը, որպեսզի ընտրություններում հաջողություն գրանցելու հաջորդ իսկ օրը կարողանա անցնել այդ ծրագրի իրագործմանը՝ լիովին դրա իրավունքն ունենալով: Սեւով սպիտակի վրա գրել-գրանցել են այդ նպատակը, թեեւ իրենց ընտրազանգվածի գերակշիռ մեծամասնությունն այդ ծրագիրը չի կարդալու: Այդ ընտրողները նախ ոչինչ չունեն ճշտելու, հասկանալու, իմանալու, նրանք գիտեն, որ ընտրելու են Նիկոլ Փաշինյանին՝ անկախ նրանից, թե ինչ է գրված այդ ծրագրում: Երկրորդը. ելնելով նրանց արտաքին տվյալներից, կարելի է եզրահանգել, որ շատերն անգամ չեն

էլ կարողանա կարդալ, որ մի բան էլ նեղվեն Հայ առաքելական Եկեղեցու դեմ սպասվող պայքարի հանգամանքից: Այնպես որ, մարտավարական իմաստով Եկեղեցու դեմ պայքարը սառեցնել արժեք, քանի որ այդ գործողությունը համակրանք չվայելեց, իսկ ռազմավարական իմաստով՝ ծրագրում այն ներառել նույնպես արժեք, քանի որ այդպիսով վաղվա հարձակումները Եկեղեցու դեմ ու բռնաճնշումները հոգեւորականների նկատմամբ փաստաթղթավորված են եւ սպասում են լեգիտիմացման:

Ահա եւ խոսք ունեն ասելու եւ ձայն ունեն քվեարկելու մարդիկ, ովքեր անհանդուրժելի գնահատեցին Եկեղեցու նկատմամբ «Քաղաքացիական պայմանագիր» վերաբերմունքը, եթե անգամ ընդդիմադիր ուժերից որեւէ մեկին չեն համակրում, միեւնույն է, հանուն հավատքի ու Եկեղեցու, հանուն իրենց խաչի ու մկրտության, հանուն հայի պատմության ու հիշողության, հանուն Աստծո սիրո, պիտի գնան ընտրության, քանի որ այդ օրը կարող են պաշտպանել իրենց համար թանկ այդ ամենը՝ միայն քվեարկությամբ:



Շաքե ԱՎՈՅԱՆ

ՀԱՄԱՐ 2



Պակիստանում Իրանի եւ ԱՄՆ-ի միջեւ կայացած առաջին բանակցությունները, մեծ հաշվով, անարդյունք ավարտվեցին, իսկ Վաշինգտոնը որոշեց արգելափակել Զորմուզի նեղուցը: Թեման վերջին ժամերին դարձել է միջազգային մասմեդիայի եւ հանրության ամենակրկնված քննարկվող թեմաներից մեկը՝ հաշվի առնելով Զորմուզի նեղուցի համաշխարհային նշանակությունը, նավթի գների հետ կապված անկայուն իրավիճակը, մի շարք երկրների տնտեսությանը սպառնացող ռիսկերն ու այլ մարտահրավերները:

Մերձավոր Արեւելքում հակամարտության վերջին սրացումը աշխարհը դնում է մեծ ճգնաժամի եզրին: Զորմուզի նեղուցի՝ համաշխարհային էներգիայի հիմնական զարկերակի փակումից հետո տարածաշրջանում լարվածությունը հասել է աննախադեպ մակարդակի: Թեպետ Թեհրանի եւ Վաշինգտոնի միջեւ ապրիլի 11-ին Իսլամաբադում կայացած

Միացյալ Նահանգները, այլ երկրների օգնությամբ, կկանխի ցանկացած նավի անցումը Զորմուզի նեղուցով, ինչպես նաեւ կփնտրի եւ կկալանի այն նավերը, որոնք վճարել են Իրանին՝ տարանցման համար:

Գլոբալ ռիսկեր: Որո՞նք են այս հակամարտության երկարաժամկետ հետեւանքները նավթի շուկայի եւ աշխարհի համար: Որքանով են իրատեսական Պարսից ծոցի երկրների կողմից քննարկվող Զորմուզի նեղուցը շրջանցող խողովակաշարեր կառուցելու ծրագրերը: Կարող ենք ասել, որ այլընտրանքային էներգիայի աղբյուրների ակտիվ զարգացումը կվերակազմի: Զիմնական գլոբալ ռիսկը, նեղուցի երկարատեւ փակման ամենաակնհայտ հետեւանքը, շատ փորձագետների կարծիքով, նավթի եւ էներգակիրների գների աճն է: Սա իր հերթին կհանգեցնի զարգացած երկրներում արագացված գնաճի՝ մեծացնելով համաշխարհային տնտեսական անկման եւ պարենային ճգնաժամի ռիսկը: Փաստ է, որ Մերձավոր Արեւելքում տիրող իրավիճակը փոթորիկ է առաջացնում համաշխարհային շուկաներում՝ Իրան-ԱՄՆ շարունակվող տարածայնությունների եւ Զորմուզի նեղուցի հետ կապված վերջին զարգացումների պայմաններում:

«Իրանական պորտֆել»։ Ինչպէս շահույթ ստանալ աշխարհաբաղաբակնությունից: Վաշինգտոնը եւ Թեհրանը շարունակում են պայքարել Զորմուզի նեղուցի վերահսկողության համար, իսկ հակամարտող կողմերի միջեւ բանակցությունների հաջորդ փուլը դեռեւս անհայտ է: Axios-ը, հղում անելով տեղեկացված աղբյուրներին, հաղորդում է, որ միջնորդներ Պակիստանը եւ Թուրքիան փորձում են կազմակերպել նոր փուլ, մինչեւ հրադադարի ավարտը (ապրիլի 21-ին): Այնուամենայնիվ, զարգացումները դժվար է

կանխատեսել: Axios-ի աղբյուրները նշում են, որ Թրամփը չի բացառում ռազմական գործողությունների վերսկսումը, եթե Զորմուզի նեղուցի ամերիկյան շրջափակումը չստիպի Իրանին փոխել ուղղությունը: Garda Capital-ի ներդրումային ռազմավար Ալեքսանդր Բախտինի խոսքով, նույնիսկ եթե հակամարտությունն ամբողջությամբ ավարտվի մոտ ապագայում, շուկայի մասնակիցները դեռ ստիպված կլինեն գործողությունների սցենար մշակել՝ նեղուցի փակման հետ կապված: «Սա բարձրացնում է վառելիքի վերջնական արժեքը համաշխարհային շուկաներում, բարձրացնում է գնաճը, ճնշում է գործադրում տոկոսադրույթների վրա եւ ընդհանուր առմամբ նվազեցնում է համաշխարհային տնտեսական աճի ներուժը: Զակամարտության հիմնական հետեւանքը նավթի գների երկարաժամկետ ռիսկի պարզեցումն է»,- ընդգծում է նա:

Freedom Finance Global-ի վերլուծաբան Վլադիմիր Չերնովը նույնպես նշում է, որ նավթի վրա հիմնական երկարաժամկետ ազդեցությունը մշտական աշխարհաբաղաբակնական գնային պարզեցումն է: «Զորմուզը մնում է համաշխարհային շուկայի հիմնական հանգույցը. 2025 թվականի առաջին կեսին նեղուցով օրական անցել են 20.9 միլիոն բարել նավթ եւ նավթամթերք կամ համաշխարհային հեղուկ ածխաջրածնի սպառման մոտավորապես 20%-ը: Ավելին, նեղուցով օրական անցել է 11.4 միլիարդ խորանարդ ոտնաչափ հեղուկացված բնական գազ (ԶԲԳ) կամ համաշխարհային ԶԲԳ առեւտրի ավելի քան 20%-ը: Դեռեւս, ապրիլի 15-ի դրությամբ, նույնիսկ անցողու մասնակի խափանումն անմիջապես ազդում է ոչ միայն նավթի, այլեւ գազի, բեռնափոխադրումների, ապահովագրության եւ ամբողջ ասիական մատակարարման շղթայի վրա»,- նշում է փորձագետը:

Շրջանցիկ ճանապարհներ: Ըստ Financial Times-ի՝ Պարսից ծոցի երկրներն ուսումնասիրում են նեղուցը շրջանցող նոր խողովակաշարերի կառուցման հնարավորությունը, քանի որ դրա նկատմամբ Իրանի երկարաժամկետ վերահսկողությունը որպես սպառնալիք է ընկալվում: Ըստ FT-ի՝ քննարկվում է Արեւելք-Արեւմուտք խողովակաշարի հզորությունների հետագա ընդլայնումը կամ նոր երթուղիների կառուցումը: Զնարավոր տարբերակներից մեկը Զնդկաստանից Պարսից ծոցի միջով դեպի Եվրոպա միջանցք կառուցելու ամերիկյան Նախագծի (IMEC) վերակենդանացումն է: Ըստ փորձագետների՝ Եվրոպական տարածաշրջանում խոսվում է միջուկային էներգիայի զարգացման մասին, սակայն նման սցենարի իրականացումը, այդ թվում՝ Զորմուզի նեղուցը կամ այլ կարելու տրանսպորտային ուղիները շրջանցող նոր խողովակաշարերի կառուցումը, ցանկացած դեպքում, կպահանջի զգալի ժամանակ: Զամաշխարհային նավթի շուկան կարող է առնվազն մի քանի ամիս բախվել մատակարարման սահմանափակման, այդ թվում՝ Մերձավոր Արեւելքում նավթային օբյեկտների վնասման եւ դրանք վերականգնելու անհրաժեշտության պատճառով: Դեռեւս, այս հակամարտության ամենաերկարատեւ ազդեցությունը ոչ թե գների միանվագ աճն է, այլ նավթի, գազի, նավազնացության եւ համաշխարհային գնաճի նոր, մշտական ռիսկը: Նույնիսկ եթե ռազմական հակամարտությունը դադարի, շուկան արդեն հասկացել է, որ Զորմուզը կարող է կաթվածահար լինել, եւ արագ փոխարինում չկա: Դեռեւս, այս պատերազմից հետո աշխարհը, հավանաբար, ավելի շատ կծախսի երթուղիների ռազմական պաշտպանության, պահեստային խողովակաշարերի եւ մաքուր էներգիայի վրա:

ԱՐԵՎԵԼՔԻ ՆՈՐ «ԿՈՎԱԽՆՁՈՐԸ»

առաջին բանակցություններից հետո Նախագահ Թրամփը պնդեց, թե խնդրահարույց հարցերի մեծ մասը լուծվել է, այնուամենայնիվ, ակնհայտ է, որ ԱՄՆ առաջնորդը չափազանց դժգոհ է Իրանի գործողություններից: Մասնավորապես, նա նշել է, որ ԻԻԶ իշխանությունները շանտաժով են զբաղված՝ նեղուցն ակնապատելով եւ վճարներ գանձելով, իսկ Միացյալ Նահանգները թույլ չի տա, որ իրեն շանտաժի ենթարկեն: Ավելին, Վաշինգտոնը չի կարողացել համաձայնության գալ Թեհրանի հետ իրանական միջուկային ծրագրի վերաբերյալ: Արդյունքում, իր սպառնալիքի մարտավարությամբ հայտնի ԱՄՆ Նախագահն ապրիլի 12-ին հայտարարեց, որ մոտ ապագայում

Արա ԱՆՈՅԱՆ

ՆՈՐԻ ՎԵՃ, ՄԱՎԱԾՈՐԱ ՈՒ ԵՐԿԱՐ ԴԱՏԱՎԱՐՈՒԹՅՈՒՆ



գույքը, Գեւորգ Զարությունյանի հետ կատարել է խուլիգանություն, եւ Մարտիրոսյանի առողջությանը վնաս են պատճառել:

Մյուս քրեական գործով Գոռ Մինասյանին մեղադրանք է առաջադրվել այն բանի համար, որ նա մի խումբ անձանց կողմից ապօրինաբար կազմակերպել է ղեկավարել է Մարտիրոսյանի եղբոր՝ Կարո Մարտիրոսյանի սպանությունը, նրան կյանքից զրկելու դիտավորությամբ, սակայն այն իր կամքից անկախ հանգամանքներում չի իրագործվել:

Մեր տեղեկություններով, Մարտիրոսյանների ընտանիքի եւ Գոռ Մինասյանի կոնֆլիկտը տարիների պատմություն ունի: Մարտիրոսյանները Տաթևի համայնքում 2010 թվականին հողամաս են ձեռք բերել եւ գործունեություն ծավալել: Գոռ Մինասյանը, լինելով Տաթևի համայնքի վարչական ղեկավարը, Մարտիրոսյանների ընտանիքին սեփականություն իրավունքով պատկանող հողամասը 2018-ին կրկին աճուրդի է դրել եւ աճուրդով գնել: Կարո Մարտիրոսյանի հայրը՝ Վարուժան Մարտիրոսյանը, դատարան է դիմել՝ պահանջելով իր գույքը:

Կարո Մարտիրոսյանի պաշտպան Ավետիք Կարապետյանը մեզ հետ զրույցում ասաց, որ դատական գործը

Նախնական դատախազության փուլում է, դատավոր Գոռ Գասպարյանին ինքնաբացարկ է հայտնել: «Քննվում է Մարտիրոսյանի, այսինքն՝ Կարո Մարտիրոսյանի քրոջ վերաբերյալ գործը, որով Մարտիրոսյանը տուժողի կարգավիճակ ունի, իսկ մեղադրյալի կարգավիճակ ունեն Գոռ Մինասյանը եւ նրա աշխատող Գեւորգ Զարությունյանը: Կարո Մարտիրոսյանի գործով Գոռ Մինասյանին մեղադրանք է առաջադրվել այն բանի համար, որ կազմակերպել է ղեկավարել է Կարո Մարտիրոսյանի սպանությունը, եւ նշված գործով նաեւ մեղադրանք է առաջադրվել Գոռ Մինասյանի 2 եղբայրներին՝ Գուժ եւ Չարգանդ Մինասյաններին, ինչպես նաեւ՝ դրանց հետ ազգակցական, ընկերական հարաբերությունների մեջ գտնվող մի քանի անձանց: Որոշակի փաստական առումով Գոռ Մինասյանի եղբայր Չարգանդ Մինասյանն իրեն մեղավոր է ճանաչել, մնացած մեղադրյալները դեպքի կապակցությամբ հերքել են իրենց մասնակցությունը: Մարտիրոսյանի գործով Գոռ Մինասյանի նկատմամբ կիրառվել է վարչական հսկողություն, իսկ Կարո Մարտիրոսյանի վերաբերյալ խափանման միջոց կիրառված չէ: Մասնավորապես՝ իրավական խնդիր է, երբ անձը մեղադրվում է առանձնապես ծանր

հանցագործություն կատարելու մեջ, բայց իր նկատմամբ խափանման միջոց կիրառված չէ»:

Կարապետյանը ներկայացրեց նաեւ վեճի նախապատմությունը: «Կարո Մարտիրոսյանը նշել է, որ հողային խնդիր են ունեցել դեռեւս 2018 թվականին, եւ այդ խնդիրը եւ իրավական, եւ բարոյական առումով է շարունակվել, մասնավորապես՝ Կարո Մարտիրոսյանը եւ նրա ընտանիքի անդամները Գոռ Մինասյանի եւ նրա ընտանիքի անդամների վերաբերյալ արատավոր տեղեկություններ են տարածել, եւ դա է դրդապատճառ հանդիսացել: 2018 թվականի հողային խնդիր կա Մարտիրոսյանների ընտանիքի եւ Գոռ Մինասյանի միջեւ, որը հետագայում շարունակվել է դատարանում՝ մի քանի հայցեր են ներկայացված: Կարո Մարտիրոսյանին փորձել են սպանել, իսկ Մարտիրոսյանին նույն օրը՝ առավոտյան, մարմնական վնասվածքներ են պատճառել, ֆիզիկական ներգործություն, ինչպես նաեւ՝ մեղադրանք կա Գոռ Մինասյանի գույքը դիտավորությամբ վնասելու եւ խուլիգանություն կատարելու վերաբերյալ: Մեղադրյալ Գոռ Մինասյանի պաշտպան Սլավիկ Պողոսյանը մեր հարցերին չպատասխանեց՝ ասելով, որ քրեական գործերի շրջանակներում այս պահին գերծ կմնա որեւէ մեկնաբանություն անելուց:

Նելլի ԿԱՐԱՊԵՏՅԱՆ

- Անդրադառնալից հոգեւորի, մշակույթի կարեւորությանը՝ մշակույթը ձեւ է, թե՛ բովանդակությունն է անհրաժեշտություն: Զեռու չզնալու համար՝ Ձեր գործունեության օրինակով:

- Ես իմ կյանքում ինչ արել եմ, անհրաժեշտությունն ինչ ելնելով եմ արել: Այդպես 1987-ին Սիրիայից վերադարձել եմ Հայաստան, հաջորդ տարի արդեն մասնակցել եմ Արցախյան շարժմանը: Ես Սիրիայում սիրել եմ Հայաստանը՝ չճանաչելով, այդ սերն ինձ բերեց Հայաստան, որպեսզի ճանաչեմ: Ես ունեմ երկու վարպետ՝ Յուրիանուս Բադալյանը և Հայրիկ Մուրադյանը, ինչպես երգարվեստում, այնպես էլ կյանքում: Այդպես սկսեցի մեր ավանդական և աշուղական երգերից, նաեւ մեր կոմպոզիտորների երգարվեստից ժամանակակից մշակումներ անել, որպեսզի երիտասարդությունը կարողանա նորովի մատուցել դրանք, որոնք այնքան էլ տարածված չէին: Եվ 1996թ. հրատարակեցի «Մրո» պլեյբոյ, որտեղ Հայաստանի տարբեր տարածքները ներկայացնող երգեր են գետնոված՝ նոր գործիքավորմամբ և ժամանակի շնչով, սակայն չվնասելով երգի բուն էությունը: Այդպես՝ անհրաժեշտությունն ինչ ելնելով, 2014թ. հիմնեցի «Գուբան» հայ ազգագրական երգի-պարի փառատունը: Եվ այսօր «Գուբան»-ին մասնակցում են արդեն 22-23 ազգագրական խմբեր Հայաստանից ու սփյուռքից՝ ներկայացնելով ամբողջ Հայաստանի մշակութային քարտեզը: Այդպես 2017թ. ստեղծեցի «Արար» հայ արվեստի պահպանման կենտրոնը, որի նպատակն է ոչ մշակութային ժառանգությունը պահպանելը և տարածելը: Բերդավանից ենք սկսել, եթե սկզբում ունեինք 2-3, ապա այսօր ունենք արդեն 23 կենտրոն, որոնք տարածված են Հայաստանի 9 մարզում, և դրանցից օգտվում են 48 քնակավայրի երեխաներ ու մեծեր՝ անվճար: Մի տեղ սովորեցնում ենք խաչքարագործություն, մի տեղ՝ ասեղնագործություն, մեկ այլ տեղ՝ կարպետագործություն, դարբնություն, փայտի գեղարվեստական մշակում, խեցեգործություն և ազգային արվեստի այլ ճյուղեր: Մենք այս 9 տարվա ընթացքում ունեցել ենք 10 հազար շահառու: Այս պահին ունենք 1083 երեխա և մեծ: Ինչո՞ւ անվճար՝ որովհետեւ ես հավատում եմ, որ սա զինվորագրում է, իսկ զինվորից գումար վերցնելը մեղք է:

- Եկանք հասանք մի ժամանակի, երբ ներսից վտանգված են մեր հոգեւոր կյանքը, մշակութային տարածքը, ինքնությունը: Ամեն օր, որպես պետական քաղաքականություն, քարոզվում է հրաժարվել, ուրանալ, մոռանալ պատմությունը, արժեքները, սրբությունները: Այդ թվում է նաեւ տասնամյակների Ձեր գործունեությունը: Դուք սխալ ճանապարհ եք անցել:

- Պատերազմ է հայտարարված մեր ինքնության դեմ և շարունակվում է: Ինքնության պաշտպանությունը յուրաքանչյուրիս ամենօրյա պարտքն է: Այո, հասել ենք այնպիսի ժամանակի, որ ինքնության դեմ է պատերազմը: Իսկ «իրական Հայաստան, ոչ իրական Հայաստան» շինծու, արհեստածին հասկացություն է: Ես իմ հայրենիքի տերն եմ, իմ պետականության տերն

եմ. մեկը մյուսին չի հակառակում: Եթե ես դրանք դնում եմ հակադրության մեջ, ապա առաջին հերթին հրաժարվում եմ իմ ինքնությունից, ոչ թե տարածքից. այստեղ տարածքի ինդիկը չկա: Մենք միշտ ասում ենք՝ մեր ֆիզիկական խրամատները պահենք, իսկ մեր հոգեւոր եւ մշակութային խրամատները ոնց ենք պահելու: Դրա մասին իմ է մտածելու: Մոռանալը թուրքական թեզ է, որը հատուկ օրակարգով տարածվում է հայ հասարակության մեջ, և շատերը, չգիտակցելով դա, խաբված, մոլորված են, ասելով՝ լավ, միայն թե հանգիստ ապրենք: Հանգիստ ապրելն առանց արժանապատվության՝ անիմաստ է: Եթե մտածենք միայն հանգիստ ապրելու մասին, կարող ենք գնալ Ավստրալիա, Շվեդիա, և գնում են: Բայց ես եկա և մնում եմ: Որովհետեւ ուզում եմ տեր կանգնել իմ արժանապատվությանը:

- Բայց այդ արժանապատվության սյուները հերթով ընկնում են, որոնք մեր ինքնության առաստաղն են պահում: Դուք տեսնո՞ւմ եք այդ կորստյան վտանգը:

- Անշուշտ, տեսնում եմ: Մեր ինքնության կարեւոր բաղադրիչ դարձած Առաքելական սուրբ եկեղեցին հարձակման տակ է: Եվ ի՞նչ է պաշտպանելու: Այսինքն, մենք այսօր մեր Եկեղեցու հանդեպ դառնում ենք

ԽՆԴԻՐՆ ԱՅՆ Է, ՈՐ ՉԱՐԺԵՔԸ ՆԱՐՁԱԿՎԵԼ Ե ԱՐԺԵՔՆԵՐԻ ՎՐԱ

ուրացող: Դարեր շարունակ չունենալով պետական համակարգ՝ մեր Եկեղեցին մեզ պահել է մեր ինքնության մեջ, տեր է կանգնել և այն հասցրել է մեզ: Եվ այսօր հարձակվել այդ Եկեղեցու վրա, մարդկային առումով առնվազն ուրանալ է: Նույնիսկ խորհրդային տարիներին, որ աթեիստական համակարգ էր, այս ձեռով չէին կպնում ինքնությանը: Ծիշտ է, եկեղեցիներ են բանդել, բայց ժողովրդի հոգու եկեղեցուն չեն կպել:

- Իսկ ինչպե՞ս են վարվում ցեղասպանության հիշողության հետ. Դուք մազապուրծի ժառանգ եք: Արդյո՞ք մոռացումը չի նշանակում արժանապատվությունից զուրկ լինել, երբ ցեղասպանողը չի զղջացել, ներողություն չի խնդրել, իսկ մենք գրկաբաց գնում ենք դեպի իրեն: Կանաչ լույս չենք վառում՝ նույնը կրկնելու, ինչպես Արցախում:

- Ցեղասպանության հետ վարվում են այնպես, ինչպես թուրքը կվարվեր: Այսօր այս իշխանությունն այնպես է վարվում, ինչպես թուրքը կուզենար, բայց չէր կարողանա: Երբ մարդը հրաժարվում է իր իրավունքներից, չի պայքարում, շատերս նայում ենք նրան և համարում, որ արժանապատվության հետ ինդիք ունի: Ես վստահ եմ, որ իրենք չեն կարողանալու մոռացնել կամ ջնջել պատմական հիշողությունը: Այստեղ խոսքն ազգային և հավաքական իրավունքների մասին է. հավաքական ինդիք կա, ոչ միայն անձնական: Այսինքն՝ ի՞նչ ես դու, որ որոշես, որ մենք պետք է հրաժարվենք այդ իրավունքի համար պայքարելուց: Ո՞վ ես. այսօր տնօրեն ես, վաղը տնօրեն չես: Խնդիրն այն չէ, որ մենք այսօր ունենք անհաջող իշխանություն, ինդիքն այն է, որ մենք մեր իշխանությունը չունենք: Եվ ինդիքն այն չէ, որ արժեքների բախում է

այսօր այստեղ, ինդիքն այն է, որ չարժեքը հարձակվել է արժեքների վրա: Այսինքն, չարժեքն ուզում է մեր բոլոր արժեքները ոչնչացնել, որ մենք առանց արժեքների ապրենք և դոնդողի նման այս ու այն կողմ անենք: Դրա համար յուրաքանչյուրիս դերը շատ կարեւոր է: Ինչո՞ւ են մարդիկ մեր չակերտավոր մտավորականների մասին վերապահումով արտահայտվում՝ որովհետեւ մտավորականի ցուցիչը պայքարելն է: Մտավորականն այն չէ, որ մի քանի գիրք է կարդացել, մեկ կամ մի քանի համալսարան է ավարտել և դարձել է գրող, կոմպոզիտոր կամ մեծանուն բժիշկ, լեզուներ գիտի, բայց չի պայքարում: Եթե չի պայքարում, ինքը չի կարող լինել մտավորական: Մտավորականը նա է, որն ընդհանրական շահի համար է պայքարում, ոչ թե անձնական: Եվ մեր ինդիքը հենց այստեղ է: Շատերն իրենց մի կողմ են բաշել, ասում են, թե սա աշխարհաբարոյական ինդիք է, մենք ինչ կարող ենք անել: Ո՞նց թե՛ ինչ կարող եմ անել: Այդքան արժեքներ է ստեղծել իմ ժողովուրդը, եթե այդպես չմտածեմ, չպահպանեմ մեր ինքնությունն ու իրավունքները, ուրեմն ինդիք ունեմ, պետականություն ունենալու արժանի չեմ ես:

- Դուք Սիրիայից եք տեղափոխվել Հայաստան: Այսօր

մեր հաղթանակին տեր կանգնել և մսխեցինք: Մենք ինչ արեցինք: Պատմության մեջ եկանք մի տեղ, որ այդ ցեղասպանված, խեղճացած, ցիրուցան եղած ժողովուրդը փորձեց պատմական արդարությունը վերականգնել՝ Արցախն ազատագրելով, միավորվել, միասնական լինել՝ Հայաստան և սփյուռք: Բայց մենք այսօր հասանք մի հանգրվանի, որ քո ինքնությունը թուլացնում են՝ հաղթողից վերածելով պարտվողի: Եվ այդ արվում է դրսի ուժերի թելադրանքով ու միջամտությամբ: Մեր թշնամիները կերպարներն այն վիճակը, որի մեջ մենք հայտնվել ենք այսօր: Ես չեմ մեղադրում ամբողջ ժողովրդին, բայց գտնում եմ, որ կա մի հատված, որը մոլորության մեջ է: Մենք չպետք է իրենց հայիոյենք, պետք է հնարավորություն տանք: Եվ մենք, հատկապես արվեստագետները, մշակույթի մարդիկ, որ համարվում են մի քիչ վեր կանգնած, պետք է սեր տարածեն, աստվածային սեր: Այնպես, որ մարդիկ մտածեն՝ եթե ատելություն կա իրենց մեջ, ուրեմն նշանակում է, որ Աստուծոց հեռացել են:

- Այս ընթացքով ի՞նչ ենք գնում, արդյո՞ք ճիշտ ենք գնում, եթե սխալ ենք գնում, ապա ինչ պետք է անենք, որ կայուն հանգրվանի հասնենք, կամ գուցե հասնել ենք, և սա է ճիշտ ընթացքը:

Հարցազրույց երգիչ, հայ ժողովրդական երգերի մեկնաբան, Հայաստանի վաստակավոր արտիստ Մրոյի (Արսեն Գրիգորյան) հետ



սփյուռքի և հայրենիքի միջև անջրպետ կա, կարծես: Գեթ կարծում, որ սա նույնպես մեր ինքնության առաստաղը պահող սյուներից մեկն անկումն է:

- Պետության բաղաբաղականության և ռազմավարության մեջ կարեւոր դեր պետք է ունենար հայրենադարձությունը, որի շնորհիվ մենք կամրացնեինք մեր պետությունը: Սա իմ պատկերացումը և տեսլականն է, որովհետեւ դու մարդուժ կարող ես բերել, գիտուժ և ֆինանս: Եվ մենք այսօր այստեղ կլինեինք 7 կամ 5 միլիոն հայեր: Տալով արտոնություններ՝ հարկերի և այլնի տեսքով, քաջալերելով, խրախուսելով հայրենադարձությունը՝ նոր թաղամասեր կկառուցվեին և քաղաքներ: Էլի սփյուռքը մնալու էր, բայց կունենայինք հզորացած Հայաստան՝ հայերով: Բայց մենք զննացինք այդ ճանապարհով: Զենց սկզբից պետք է լիներ ոչ թե սփյուռքի նախարարություն, այլ՝ հայրենադարձության նախարարություն: Եղել են տարբեր ծրագրեր, բայց ոչ ռազմավարություն: Եվ այսօր մենք հասանք ինչի՞ն, նույնիսկ այդ նախարարությունը չկա: Սա էլ է ինքնության դեմ հարված: Ես առանձնապես քաղաքական միտք չունեմ և խոսույթ չունեմ, բայց, իմ պատկերացմամբ, այսօր ամբողջը պտտվում է ինքնության թուլացման և ոչնչացման ծրագրի շուրջ:

- Եկավ մի սերունդ, որն Արցախն ազատագրեց, և եկավ մի սերունդ, որն Արցախը հանձնեց: Այսինքն, հայրերն ազատագրեցին, որդիները հանձնեցին: Զերոսներից դավաճաններ ծնվեցին:

- Մենք ինչո՞ւ ենք ասում՝ մութ ու ցուրտ տարիներ, ինչո՞ւ երբեք չենք ասել՝ հաղթանակի տարիներ: Ինչո՞ւ չավրագրեցինք մեր հաղթանակը: Մենք չկարողացանք

- Մեզ անհրաժեշտ է, անկախ ամեն ինչից, ունենալ ազգային իշխանություն: Շատերն սկսում են փիլիսոփայել, թե ինչ է նշանակում ազգային իշխանություն: Այդտեղ փիլիսոփայելու բան չկա: Կա ինքնություն, մենք ունենք մեր ինքնությունը, Աստված մեզ ստեղծել է այսպես: Եվ մեր պետությունը, որպես համակարգ, պետք է տեր կանգնի մեր ինքնությանը: Այսինքն, պետության մեջ պետք է ազգային շահի և պետական շահի գերակայություն լինի: Պետք է ունենանք արժանապատիվ կյանք հենց այստեղ, հակառակ դեպքում կարող ենք ցանկացած տեղ ապրել: Պետք է պետությունը սիրել և ժողովրդին սիրել: Մենք այդ ինդիքն ունենք: Այս իշխանությունն արդեն մեզ չի սիրում, ոչ էլ պետությունն է սիրում: Ո՞վ է հեշտությամբ ասում՝ դե՛ լավ, որ թշնամին մտել է մեր սահմաններից ներս, ոչինչ՝ միայն չսիրողը: Ո՞վ է հեշտությամբ ասում՝ այս հոգեւորականներն այսպես, այնպես, ի՞նչ է այդ տոնով խոսում՝ չսիրողը: Ո՞վ է մոռանալ զալիս ժողովրդի վրա՝ չսիրողը: Մեր է պետք, ամեն ինչի բանալին սիրո մեջ է: Պետք է ունենանք իշխանություն՝ ազգային մտածողությամբ, ազգային հավատամքով: Եվ այնպես պետք է համակարգվի, որ պետության մեջ յուրաքանչյուր ոլորտ աշխատի նպատակային, լինի նպատակի ձեւավորում, որը իհիմա չկա: Բայց ես մեծ հույս ունեմ, կարծում եմ, որ հնարավորությունը մոտեցել է: Պետք է պետությունը միշտ ամրանա և հնարավորության սպասի, նույնն էլ մենք՝ պետության ամրացման համար պետք է անընդհատ աշխատենք և հնարավորության սպասենք: Եվ այդ հնարավորությունն այսօր արդեն եկել է: Հայաստանը սիրել է պետք, և ինքը թե՛ պետք է սիրես, քո ինքնությունը:



Փ աշխյան, վերջին անգամ եմ ասում քեզ՝ բեռնուհում փեղ չեմ սովորեցնի: Դա, նախ՝ շատ ծիծաղելի է եւ ապա՝ անշնորհակալ գործ: Դու իբր բիզնեսից բան ես հասկանում, մի հատ էլ բիզնեսմեններին հավաքել գլխիդ, բացատրում ես, թե որքան լավ է լինելու, եթե դու մասնավորապես աթոռին: Թե բա՝ նախաճաշ...

Ի դեպ, մուտքավճարն ինչքան էր: Աննայի «վեջերիկաները» հաջողակ բիզնեսմենուհիների եւ որոշ բիզնեսմենների հետ դեռ կարելի էր հասկանալ: Դե, վարչապետի կին էր, որոշակի բնահաճույքներ ուներ, նվերների ու փողի հանդեպ կանացի հետաքրքրություններ... Ինչ եղել էր: Դա անցավ, գնաց: Բայց դու ինչու ես բիզնեսմեններին

նեղ են՝ ձեռք հետաքրքրող հարցերով դիմեք Սամվել Ալեքսանյանին եւ Խաչատուր Սուքիասյանին: Դու այսօր Սամվել Ալեքսանյանին ու Խաչատուր Սուքիասյանին հավաքել ես գլխիդ, բացատրում ես՝ որը որից հետո է, որ ինչ անես:

Բիզնեսմեններն էլ են, ախր, հետաքրքիր մարդիկ: Փոխանակ իրենք հրավիրեին եւ Ձախորդ Փանոսին, հանդիմանեին վերջին 8 տարիներին հայկական բիզնեսի գլխին բերած չարիքների համար, մի բան էլ իրենք էին վազել՝ հանդիպելու Նրա հետ: Ինչքան իրար հակասող (Ներմուծող-արտահանող) բիզնեսմեն կար, այնտեղ էր: Տպավորություն էր ստեղծվել, որ սրանք Նիկոլի ձեռքի տակ են բիզնեսմեն դարձել ու հիմա եկել են նրա ձեռք

կազմով մի հայտարարություն չարեցիք, չփորձեցիք Զայաստանի վարչապետին հորդորել՝ քիթը չմտնել հարցերի մեջ, որոնցից ոչինչ չի հասկանում: Ասեիք՝ այ տղա, դու 8 տարում ԵԱՏՄ-ի 8 Նիստի անգամ չես մասնակցել, տեղյակ չես այդ կառույցի առավելություններին, ինչպես ես քեզ թույլ տալիս խոսել ԵՄ-ի առավելությունների մասին ու մի բան էլ հոխորտալ, որ հենց ժամանակը գա, մենք մեր որոշումը կկայացնենք՝ ԵՄ մտնել, թե մնալ ԵԱՏՄ-ում: Դու մեզ՝ բիզնեսմեններին, հարցրե՛լ ես՝ մենք ԵՄ գնալու «դաբրո» տվե՛լ ենք: Եվ հիմա դժվար է պատասխան տալու Ռուսաստանում մեր բիզնեսների գլխին քար գցելու համար: Զրե՛ն՝ Աշոտ Արսենյանի դեմ են Ռուսաստանում քրեական վարույթը վերսկսել՝ «Ջերմուկից» թունավորված եւ մահացած մարդու դեպքով, Պաշտպանության կոնյակի գործարանի արտադրանքն է արգելվել Ռուսաստանում, Խաչատուր Սուքիասյանի (աչքովս չընկավ) եւ մի խումբ այլ անձանց մուտքն է Ռուսաստան արգելված: Ո՞վ է այս ամենի թիվ 1 մեղավորը կամ, առնվազն, թիվ 1 պատասխանատուն:

Մյուս կողմից էլ, հարգելի բիզնեսմեններ, եթե դուք գոհ եք Նիկոլի կառավարումից, ապա ես դժվար եմ, չե՛մ որ ընկել եմ ձեր ու Նիկոլի

արանքը: Կարող էի, իհարկե, չխոսել, չխնդալ ձեր ու Նիկոլի «գեղեցիկ» ճաշկերույթի վրա, բայց սիրտս ցավում է, երբ տեսնում եմ, թե ինչպես է Նիկոլը ձեզ ծառայեցնում իր ազգակործան նպատակներին եւ միեւնոյն ժամանակ վտանգում թե՛ ձեր բիզնեսները եւ թե՛ հայկական կապիտալը, առհասարակ: Այդ ինչ փափուկ բարձր է դրել ձեր գլխի տակ, թե ամեն ինչ շուտով կկարգավորվի, եւ Ադրբեջանի հետ խաղաղության հեռանկարները ձեր առաջ այլընտրանքային շուկա կբացեն: Խնդրում եմ, ինձ մեկ հատիկ շուկայի անուն տվե՛ք, որտեղ դուք կկարողանաք հաստատվել ու գործն լինել «չերեզ» Ադրբեջան: Փչոց է այդ ամենը, ահա թե ինչ: Եվ դուք էլ գիտե՛ք, որ փչոց է, քանզի չեմ հավատում, որ դուք այլընտրանքային շուկաների մասին ունեք նույն պատկերացումները, ինչ որ Փաշինյանն ունի:

Չէ, ինձ ինչ էլ ասե՛ք՝ շատ անհարմար բան ստացվեց: Փաշինյանը գործարարներին հավաքել, բացատրում էր, թե ինչպես «դոմփել»: Ասում եմ՝ ծիծաղելի էր այդ ամենը տեսնելը, որովհետեւ հավաքել ինքնին այլ, ավելի «կարեւոր» նպատակ էր հետապնդում: Դա մի պրիմիտիվ փորձ էր՝ ընտրություններից առաջ հանրությանը ցույց տալու, որ խոշոր գործարարները Փաշինյանի կողքին են:

ԱՆՆԱՆ ԳՆԱՅ, «ԾԱՂՐԱԾՈՒՆԵՐԸ» ՄՆԱՅԻՆ

հավաքել գլխիդ, ինչի կարիք ունես: Փողի՞: Եթե ոչ, ապա ուրիշ ինչի մասին ես խոսելու Սամվել Ալեքսանյանի կամ Խաչատուր Սուքիասյանի (աչքովս չընկավ) հետ: Զո կառավարությանը հարցում եմ ուղարկել, թե սեպտեմբերին պատերազմ սկսվելու դեպքում մեր ժողովրդին բանի՞ օր կբավարարեն պահուստավորված շաքարավազը, հավի բուրդը, սառեցված միսը, հացահատիկը, բենզինը եւ այլն: Ինձ պատասխա-

սեղմելու, նրանից շնորհակալ լինելու, նրա դարակազմիկ բիզնես ծրագրերը լսելու: Այո, եկել էին լսելու բիզնեսի հետ կապված հարցերում երկու էլի գարի իրարից ջոկել չկարողացող Նիկոլին եւ գլուխները տմբտմբացնելու: Ես չեմ հասկանում, պարոնայք խոշոր գործարարներ, դուք Պուտինի ու Նիկոլի գրույցը Զայաստանի (հետեւաբար՝ նաեւ ձեր) մասին չե՞ք լսել: Բա եթե լսել եք, ինչու նույն համերաշխ

Էդիկ ԱՆԴՐԵԱՅԱՆ
edik.andreasyan
@hraparak.am

Ազատ խոսքի Ձեր հրապարակում կարող է տպագրվել Ձեր խոսքը: Գրեք մեզ, գանգեք մեզ 011 (55,94) 52 66 70, info@hraparak.am Երեւան 0010, Մաշտոցի 4

ԿԱՐԴԱՏԵ ԶԱՅՈՐԴ ԶԱՄԱՐՈՒՄ

բաժանորդագրություն
Բաժանորդագրության համար դիմե՛ք՝
Պրեսա Ստեյկ՝ 093 88 68 01
Բլից մեդիա 52 53 01

Ստորագրված է տպագրության 15.04.2026թ., տպագրվել է «Գինդ» տպագրատանը: Տպաքանակը՝ 3000 օրինակ:

ԼՌՈՒԹՅԱՆ ԻՐԱՎՈՒՆՔԸ ԶԻ ԳՈՐԾՈՒՄ, ԵՐԲ ՎՏԱՆԳՎԱԾ Ե ՊԵՏՈՒԹՅՈՒՆԸ



Իրավագիտության դոկտոր, պրոֆեսոր Գեորգ Դանիելյանը կարծում է՝ «լավ հայը» նա չէ, որը տիրապետում է մայրենիին, ունի հռետորական ձիրք եւ դա է համարում իր միակ նվիրական զբաղմունքը: Նա վստահ է՝ երկրին հիմա ոչ թե խոտողներ, այլ գործ անողներ են պետք: Զայաստանում այսօր ամենավտանգավոր երեւոյթը ոչ այնքան արտաքին պարտքն է, ոչ էլ թշնամու սպառնալիքը՝ դրանք գոնե տեսանելի վտանգներ են: Ամենավտանգավորը լռությունն է: Լռություն, որ նստել է մշակույթի մարդկանց ուսերին, մտավորականության բերանին, ինտելիգենցիայի խղճին: Մենք ապրում ենք մի երկրում, որտեղ պետությունը դանդաղ քայքայվում է, արտաքին պարտքը հասնում է միլիարդների, տնտեսությունը չի զարգանում, ազգային ինստիտուտները թիրախավորվում են, իսկ հարեան թշնամիները բաց տեքստով հայտարարում են՝ «այս հողը մերը պիտի լինի»: Եվ այս ամենի ֆոնին մեր «լուսավորյալ խավը» զբաղված է ամեն ինչով, բացի «լույս վառելուց»: Նրանք լռում են: Գուցե դեռ նաեւ ասեն, թե ինչ խոսենք, ինչից խոսենք...

(Նախկին Գեորգ եպիսկոպոսը) նշանակվել է Ներման հարցերի քննարկման խորհրդակցական հանձնաժողովի անդամ՝ որպես Զայաստանյայց Առաքելական Սուրբ Եկեղեցու ներկայացուցիչ: Ո՞ւմ համար պարզ չէ, որ նշանակումը, որը կատարված է առանց Զայաստանյայց Եկեղեցու համաձայնության, անընդունելի է ու անօրինական, ինչպես նաեւ՝ խախտում է ՀՀ օրենսդրությունը: Պետական կամ որեւէ այլ կառույցում Զայաստանյայց Առաքելական Սուրբ Եկեղեցու ներկայացուցիչ կարող է նշանակվել միայն Ամենայն հայոց կաթողիկոսի օրհնությամբ ու արտոնությամբ: Իսկ կարգալույծ հռչակված Գեորգ եպիսկոպոսը լիազորված չէ եւ չի կարող ներկայացնել Զայոց եկեղեցին ոչ կանոնական, ոչ իրավական եւ ոչ էլ բարոյական տեսանկյունից: Բացի այդ, ներում «բառն» ու այդ հանձնաժողովի Եւրոպային ինքնին ենթադրում են օրենքի ու բարոյականության տառի պահպանում, մի մարդ, որը չի պահել տարրական մարդկային կանոնները, դրժել է իր ուխտը, դավաճանել է իր հոտին ու համբարոյալը, ինչպես կարող է այդ հանձնաժողովի անդամ դառնալ:

Դե, հայրենի քաջահմուտ այրեր, խոսե՛ք, ընդդիմացե՛ք, ժողովրդին բացատրե՛ք, որ այս քայլը հերթական ոտնձգությունն է Զայոց եկեղեցու ինքնավարության եւ Ամենայն հայոց կաթողիկոսի կանոնական իրավասությունների նկատմամբ: Ձեր ձայնը լսելի դարձրե՛ք, հասե՛ք այն բանին, որ չեղարկվի ակնհայտ ապօրինի այդ որոշումը: Չե՛ք արել, չե՛ք անում՝ «միահեծան» էլ նորանոր անօրեն որոշումներով է մեզ «կերակրում»: Լռում եք:

Լռում եք այնպես, կարծես լռությունը կարող է փրկել թե՛ ձեզ, թե՛ մեզ: Կարծես եթե չխոսենք, պատմությունը կշրջանցի մեր «դռները»: Զգիտե՛ք, որ պատմությունը ներս մտնել գիտի: Եթե վաղը թուրքական գործը մտնի այս հողը, ոչ Նիկոլ կլինի, ոչ իշխանություն, ոչ էլ նրանց խանությունը: Այդ ժամանակ հարց կծագի՝ դուք ո՞ւմ մշակույթի գործիչներն ու ինտելիգենցիան եք դառնալու: Թշնամի: Օկուպացիայի: Թե՛ պարզապես անհետանալու եք պատմության աղբանոցում՝ որպես «լռության ասպետներ»: Մշակույթի մարդիկ, ինտելիգենցիան երբեք չեն սահմանվել դիպլոմով: Դրանք սահմանվել են պատասխանատվությամբ: Եվ միշտ եղել են այն խավը, որն առաջինն է զգացել վտանգը, առաջինը բարձրացրել ձայնը, առաջինն է ասել՝ «այստեղ կարմիր գիծ է անցնում»: Եթե դա

չեն անում, դառնում են ոչ թե չեզոք դիտորդ, այլ՝ մեղակից:

Այսօր մենք գործ ունենք մի երեւույթի հետ, որը կարելի է անվանել միայն մեկ ձեռով՝ բարոյական կապիտուլյացիա: Սա միայն վախկոտություն չէ, հարմարվողականություն է: Սա մտածողություն է, որտեղ մարդն ասում է. «Երկրի հերն էլ անիծած, միայն թե ես իմ փոքրիկ հարմարավետությունը չկորցնեմ»: Սա այն վիճակն է, երբ մշակույթի մարդը դադարում է լինել մշակույթային եւ դառնում է պարզապես «կահույք»՝ գեղեցիկ, բայց անշարժ ու անպիտան: Երբ Եկեղեցին թիրախավորվում է որպես պետականության հիշողություն, իսկ դու լռում ես, դու օգնում ես հիշողությունը ջնջելուն: Իսկ հիշողություն չունեցող ժողովուրդը երկար չի ապրում:

Ամենացավալին այն է, որ այս լռությունը վարակիչ է: Ժողովուրդը տեսնում է՝ եթե խոսք ունեցողը լռում է, ինքն ինչու խոսի: Եվ այդպես լռությունը դառնում է ազգային «հիմնավորում», իսկ պարտությունը, ետընթացը՝ բնական վիճակ: Զստակ ասենք՝ լռելու իրավունքը չի գործում, երբ վտանգված է պետությունը: Լռելն ընտրություն է: Եվ այդ ընտրությունն ունի մեկ անուն՝ բարոյական դավաճանություն: Զենց դա էլ գրվում է պատմության «գրանցամատյանում»:

Գագիկ ԱՆՏՈՆՅԱՆ